

三

65412
3



甌甌洞藁卷之六

武昌吳國倫著

始安張鳴鳳校
新安方尚贊校

五言古六十五首

倦鳥吟



予既聞貴筑之命踰嶺海還過里中自念在
高涼三年劬戎馬神氣都盡又生平拙宦
縑結無奇而復負病遠遊恐亦終無所效趨
趨踰數月不欲戒裝而一二親故時來勸駕
至以大義責之乃作倦鳥吟以解嘲云
有鳥自朔方翱翔萬餘里悲鳴紫塞外還顧湘江涘

頗經霜雪摧況乃憚羅矢喙喋常苦飢朝營莫猶徙
北風刺肌骨羽翮頽然委息影巢故林一枝良足倚
仰及清露漿安知稻粱美所以綿蠻詩宣尼歎知止
發家赴貴陽與仲兄言別
河水清且漣輕飈蕩寒煙鳧鷗各有匹荇藻紛相牽
況乃同根樹枝葉故纏綿沆瀣沃已深仰欲參高天
念茲友于義三歎和樂篇何當遠離別顧影中自悵
豈以列鼎華曠我豆與籩豈以衆音豔奪我簞與墳
垂老苦行役欲發不遽前徘徊在中路夕晷爲我延
加餐幸自保皓首當來還

劉世仰追送至蘄春舟中夜酌

三日別已遠川塗望悠悠胡然白頭浪撼我青雀舟
孤際飛一葦磯邊散羣漚美人意良厚濁酒歡且酬
明月生斷岸前峯在中流曼聲答漁唱醉語寬離憂
江漢豈足廣蘭蘅爲君投東風席如駛明發不可留
夜泊黃州少宗伯丘公偕王侍御汪職方羅別

駕攜酒見訪

挽舟上高江風急濤轉怒避之沙岸間浮煙漭回濩
咫尺永安城不見樊口渡鱗鱗至軒車眷眷皆親故
遐哉萬里人夢寐欣良晤躑躅感今昔攜手復四顧

行廚膾雙鯉漁歌侑清醕解我顛顛容含情爲君吐
中夜起扣舷明月在高樹戀此平生歡其如迫往路

春日登高示諸生

夷居良不薄鳳嬉從之遊大哉孔尼父道廣難爲侔
天啓我

高皇靈光被六幽渺爾麟介區化爲魯與鄒纓綉燦
以繁禮樂何綢繆吾與二三子騁望登高丘東撫夜
郎臺西瞰盤江流古今變須臾夷夏此一陬姬跡荒
高山禹功同九州匪厥神授資誰當壯其猶今我懷
遠牒與子偕好脩萬里安足遐瘴癘非所憂但飽公

家粟無從效前籌德業苦不競歲序忽以邁俛仰太
平世恐遺童冠羞勉旃戒茅塞改轍遵道周

道逢劉正言憲長入部

別君薊北門逢君夜郎道令德良所欽榮名亦何早
三巴復三秦相望令人老緬此靡莫區關路漫浩浩
軒車從何來爲我舒懷抱前綏爲君持浮雲爲君掃
居夷義所安抗志歷幽討

得元美書有感

遠遊意不適恍然思所親旅鴈從何來乃自江之濱
繫書萬餘里弱羽一以振翔雲與之俱投我何逡巡

長跼省書意金石無緇磷皎如若木華重比連城珍
故人義已厚令我滋含辛感彼同心言嗟此異域身
皓首亦有期欲濟河無津腸斷不盈寸那能轉車輪
曾定署中對石山獨酌

亂山抱孤城空館負奇石息駕天垂晡臨軒景如劃
簷楹寂不華峯巒潏相射環堵未一區飛梁欲千尺
風來篠爭鳴雨過瀑新溢跋履行絕顛俯身瞰幽宅
煙迴日觀蒼霞結天台赤獨酌性所便遠遊意何適
織月銜柯亭明星燦蘿壁須臾變初境天地一陳迹

晚過木閣箒

木閣高凌空盤紆鎮邊鄙今茲遠行遊僕御何靡靡
壁暗號玄猿箒深伏蒼兕歛焉山霧黃觸我劍光紫
脩坂去忽迷駭石迫相抵行行日西匿前林戍煙起
羅夷三五徒逢迎出樵壘踉蹌無致辭前驅負羈矢
疇云匪我族胡乃安事使皇風浩無隄異域懷孔邇
三復何陋言悟茲變夷理

過孛羅箒

舍車陟脩阪叢樾何鬱紆幽篁百餘尺惡木相扶疎
陰風振巖柯毒霧黯若噓怪禽鳴我前猛虎行負嵎
尺路難可辨停筇復斯須徒旅忽以遠劍氣慘不舒

奮臂呼當關山靈爲先驅陽輪在西麓返照羅夷居
稍聞笳鼓聲前旌去徐徐蹈險不及踵胡然有康衢
義命良所安況乃天生予

重陽後一日登東山寺

九日不登高煙霜澹林麓十日秋氣清東山倚天矗
複道紆新綦琳宮隱扶木振衣躡其顛一縱千里目
荒城大如斗衆山渺焉伏掃石坐層雲鳴鐘發幽谷
僧至焚妙香居然在天竺忽開西域蓮掩彼南陽菊
何言非吾土良遊此堪卜

別林仲清

夙昔秉孤尚結友如辰參去國萬餘里何當遘同音
美人自新知一日義已深齊軌適中陸不復嗟滯淫
青霞結爲佩明月持爲簪芝蘭自有臭松柏亦有心
明發與子辭離憂難獨任生如斷蓬藿安得同疇衾
流光不及瞬青驪逝駸駸交期盡皓首勿作南冠吟
平溪別方以賢丘子晉

濺濺巖下溪皚皚溪中石瑟瑟西南風颼颼一蓬迹
矯矯二大夫勞勞感今昔昔從帝里遊今同鬼方役
古道有坎坷達宦鮮長策盛年良易衰流光但虛擲
會晤能幾時忽復當遠適念至慮亦深綢繆亘曛夕

赤霜爲我袍青霞爲我舄酌以蘭桂醕使我顏色澤
感茲金石心欲往涕如釋三宿車不膏王程苦相迫
後期當奈何願假晨風翮

武陵北郭外田家別曹名卿

與君已言別眷我殊未休送送齋酒脯行行越山丘
停茲道傍舍面彼河上洲鳧鴈紛唼喋松蘿故綢繆
況我同心友念當遠行遊興言自清臭顧影俱白頭
夙志豈不廣末路難爲籌和光委明哲獨行臻好脩
努力但相保睽離非所憂

輓梁思伯

別君十年餘思君萬里道只怪緘書遲那知厭世蚤
忽沈南海珠罷起明光草石墨與丹鉛遺爲藝林寶
綈帙虬龍蟠素練煙霏掃一抹輞川明片楮蘭亭巧
此物神所忌斯人豈難老波昏鮫女宮霧吸龍駒島
遊魂去何之泉路漫浩浩朝露本易晞晨星不及杲
遂今五嶽軀徒徇一丘槁望海迷津途臨風薦蘋藻
儻遊逍遙墟安見非壽考

高辛村卽事

驅車小蒙城騁目高辛里新暑氣尚微繁陰密如綺
青楊夾道周二麥何纚纚西日隱故宮遙見千家市

風土昔所諳流光忽焉駛者舊聞我來遮塗走相視
一一前致辭但問髮與齒壯者負橐鞬老者餉瓜李
何哉一故尉慙慙猶乃爾將無宋人愚莫知楚人鄙
感此懷餘慙汗下幾浹趾

入大梁思亡友李于鱗詩 有序

蓋于鱗按察大梁時遭喪東歸遂病不起今
五六年矣予來望其故署爲之惻然爰有是

作

繹繹大梁市車騎何紛綸浮雲翳官閣古木森城闌
昔我李夫子攬轡黃河濱采風歷二南執法昭三辰

中土欽名德燁燁鳳與麟皇天忍降割胡然奪其親
哀哀向河濟奄忽俱沈淪而我踐斯境寓日皆含辛
已矣竝驅意握蘭渺無因夷門慘不華平臺蔽黃塵
大雅日以遠流俗日以新知音阻泉路念之滄盈巾
謁于少保廟

少保社稷臣丹心燭千古立朝策元勳定難表神武
一言凜萬鈞萬死輕一羽寧犯天鉞誅毋寧負

皇祖置國等泰山四方用安堵壯哉方叔猷豈其與
公伍昔公馭絳騶布德綏中土至今河嶽間痛哭思
恃怙峩峩報功祠乃在汴之許遺像儼如生文章錯

詹鼎詩集 卷之六
珪組賤子登斯堂百年宛親覩循循一儒流忠貞播寰宇顧瞻有餘慙談往舌欲吐采薇首陽山采蘭沅湘浦薦之諒所歆聊以充簋簠

劉生順思爲予臨馬圖因贈

君家故擾龍子復能圖馬貌出宛渥姿豈在曹韓下霜蹄躡崑墟肉翮騎襄野九逸難爲羣千金安足賈竦身骨權奇流汗血沾灑影躡飛電馳吻決奔泉瀉心手自爲師古今不相假壯哉萬里神令人隘中夏賦得鐵如意酬胡茂承

客從天都來授我鍊如意鼎色星文纏金精雲葉墜豈發歐冶型不交伙飛臂突拙鮮見珍鏗鏘自爲瑞摩挲冰雪生起舞蛟螭避繫肘觀道書冥心悟高義百鍊本無庸千金誰與易嗟予已華顛羈旅寧素志將謝執珪榮且釋操刀累異哉美人遺良爲達者事豈必驕珊瑚長當遠魑魅

還次陽臺與李子華夜談養生二首

朝下八仙壇暮宿九芝嶺淫潦塗故宮荒蘿蔽空井丹竈灰不燃青精飯已冷篝燈坐談玄寂寞是真境

其二

大藥苦難就神仙自有真欲乘羽車去天路迷無津

安得邁霞友與之延谷神君家伯陽子無乃有後身
行部過宋答諸父老

憶予昔蒙詔去國來遊梁俛首在末位磬折長吏旁
理牘焚無奇虛勤薦者章三年不見收棄之還故鄉
詎知河復清神劍赫上方氛祲一以廓日月開天閭
奉詔起巖穴緩步由康莊茲行蒞中土白首悲昂藏
回瞬十五載駸駸感流光踐茲昔遊境父老遙相將
遮道不及前扶攜弔風霜馮軾復四顧淫潦何湯湯
巖城故無恙者碩有存亡千樹多可材二麥半在場
旬宣匪曰能共濟思褰裳閭閻但耕鑿生齒殊未央
嗟予衰已甚舊業臨滄浪倦鳥持弱羽焉能久翱翔
念當從此逝何以志不忘

懷汪司馬伯玉

伯玉自古貌生平懷壯猷四十秉旄鉞決策清南陬
五十佐樞府宣威壯邊州矯哉文且武將紆至尊憂
握筆上封事班班晁賈流詞林寶副墨黃口紛相讐
歸來息塵鞅但臥枕墳丘豈其介如石將從赤松遊
舉世一知己於人復何求離居倘終老浮雲悵悠悠

懷孫祭酒山甫

山甫金玉人一出爲世寶明經冠時雋揆稅發天藻

少握中秘書旋焚掖垣草翱翔涉中外結志遵大道
晚邁

聖主知視學修三老言陳辟雍詩尊禮屬師保魚水
方見諧縣車亦何早逍遙不赴徵匪學商山皓

懷徐中丞明叔

昔我偕明叔連翩棲鳳池直廬警宮漏染翰抽綸絲
竝轡出休沐促膝宵賦詩風波一摧藏毛羽互參差
倉皇竄異域憔悴迷所之而子在南郡幾復爲湘纍
網羅有天幸王路驅以馳九遷列上卿開府陳六師
時命有屈信古道無險夷赤心麗三辰西峴安足碑

懷方中丞定之

方叔故名儒早歲嫻述作好脩矩先民玄理資澹泊
貌瘠不勝衣登朝凜孤鶴一麾守東郡歷試弘遠略
天子正南顧遂有元老託登壇吳越間羣兇去如削
譬彼昆吾刀匪徒厲鋒鏑亦有園丘器所貴無鑄鑿
豈伊謀國心可使尋常度飄然歸故廬臥龍倘相若

懷陳按察于韶

于韶兼人資負氣亦倜儻奮翼遊上都折節好吾黨
一官轍未寧所至流逸響嶽嶽揚毫鋒詞林欲爭長
助勦吳越墟功成不及賞達者紛相猜因之悲世網

歸臥青城顛空冥觸遐想高視一世間浮雲何泱泱
麟趾自公族斯賢起宗周每懷親睦恩坐負匡時猷
偃仰抱羣籍與義恣冥搜傳經屈申穆談秣陵枚鄒
奇氣未盡吐終焉託嵩丘惜哉負九鼎不以供涵牛

懷王孫灌甫

贈李督學本寧

李生郢中雋少齒富羣籍歌諧金石音策擬天人畫
清廟操朱絃園丘旅蒼壁談經白虎觀承恩累重席
豈不懷起居愴焉辭禁掖單車戒西征二華遙相逆
言探河洛源更弔岐鄴蹟采風入邊聲陳詩沂王澤

紫氣渺中升函關自天闕彩筆陵奇觀山靈瀦辟易

贈方郎中子及

子及吾良友執經憶樵陽頗聞大雅風意氣殊飛揚
奮迹侶時彥含毫吐蘭芳逢時豈不偶執戟疲爲郎
高歌翫一世頌酒非狺狂但與流俗遠薄言醉爲鄉
荆棘羅中野豺虎踞路旁何當與吾子改轍從和光

贈歐助教楨伯

楨伯起經術脩辭一何腴詩名動卿相登用藉從史
天子幸辟雍進講趨毘毼橋門警環聽詔下恩賚
殊遂令當世士翕然尊碩儒天邊墜孤鴈千里遺尺

書中有懷人篇燦若南海珠何以報知己北風重踟
躕

贈陳督學玉叔

玉叔不予耄退然修父執雖鮮蘭蕙姿微芳蚤見拾
攜手薊北門詞人正雲集恐雜梧臺觀將憐和氏泣
和曲曲彌高操弦弦愈急恨無百尺綆持為九仞汲
岐路忽以攜羽翼懸相戢奄其歲曖曖停雲坐於邑

贈方山人仲美

方生自名族無家不稱貧遠遊載圖史玩誦無昏晨
生計日以短辭翰日以新入楚遘知己慨焉思卜鄰

子桑縱琴歌裹飯乃在門原思詠商頌裘馬非所珍
衆口嗤落魄安知有先民詩成醉且臥陶然適其真

贈胡山人茂承

茂承博雅士奇氣鬱未吐朝負惠子書暮戛梁鴻金
游揚卿相間恥與食客伍抵掌談稊文含情慨今古
一言感知音揮觴自起舞訪我大梁城新篇爛璣組
與之登平臺流覽槩中土世路漫悠悠何當息縣圃

贈沈山人嘉則

沈郎故家郎文藻夙所志落魄不知貧懷才恥干世
客遊公卿間頗欲行其意薄俗嗤直躬窮途見奇致

犯嫌誅司馬

謂哭胡總戎

抗書脫飛仗

謂救曾參戎

客有忻詞

名誰知獎高義

贈康山人裕卿

康生貧且病偃臥京市隅黃熊欲入寢三尸怒相盱
門鮮親舊跡蠶蛸網其厨我獨登汝牀執手長嗟吁
忽復有起色仰視聊須臾與之坐談稅情志日以愉
交道從此廣詩名溢路衢偶聞逐客令倉皇安所趨

贈宗良

王孫少任俠動為俗士嘲芻狗玩一世螺贏輕四豪
入齧妃女脣出飲恣盤敖豈不嗜文翰衆言紛易淆

中歲一折節悅焉思素交結情向風雅光燄日以韜
澄若九淵水湧若天漢濤非緣和者苦安知曲彌高

贈貞吉

貞吉晚相邁懷才美且多清揚自昭質宛彼瓊樹柯
食邑等列侯所安在煙蘿早齡恣圖寫操翰如操戈
對客一揮灑蹶然開詠歌觀者極神賞彷彿聆雲和
結亭修竹間抱膝西山阿豈不軫王室棄捐當奈何

贈同伯

英英南浦雲纏纏洪崖瀑日夕懷我友精廬此焉卜
偃仰披羣書逶迤入修竹朝來爽氣生登臺騁遐矚

簪纓豈不華冷然享幽獨冥悟養生旨還童儼丹渥
神往路忽迷書來念彌篤古心託垂年令德企相勗

宴灌甫東陂

飛蓋臨城隅芳筵集華渚奏鼓登雅歌行觴泛清醕
林陰忽以移初景憺容與歡宴不知疲登臺瞰洲渚
微瀾漾晴堞短棹沿孤嶼列室藏圖書蘭芬何楚楚
主人懷天遊客子託幽緒輕颺激游鱗古木下脩羽
脩然濠濮間薄暮復延佇

悼馮光祿汝言

馮君振青海結髮耽藝文讀書累萬卷棲志漢與秦
宦轍弭中外所志揚清芬暇日但著述吐辭鬱爲塵
臨年遂高蹈東岱藏其真得哉古詩紀庶幾開後人

悼吳中丞峻伯

矯矯吳伯子振翼自天目一入金馬門翺翔漸雲陸
千秋結遐思羣籍佐休沐閉戶調清琴弦柱傷局促
一鼓越人吟三歎郢人曲人琴今已矣誰其弔芳躅

悼顧山人季狂

季狂亦吳人落落但自喜頗無鄉曲譽幾作囹圄累
一遇宋邑侯尊禮爲高士憤俗難與居佯狂去千里
四十始言詩詩名忽焉起放歌燕趙間高會王侯邸

交游總賢豪見賞卽知己傷哉海上魂不反南宮里

長洲里名卽季狂所居

答劉子威侍御

昔我客夷門逢君良亦偶逡巡望華軒那能厭塵垢
豈無南山角恥爲鮑叔扣雖有陵陽珍難爲樂正剖
浮雲易誤人白日惜攜手岐路一相乖川陵限求友
尺書展慙懃知己無先後望望闔閭城長江亦東走
春日偕兒輩郊行因就田家小飲

微風蕩晴旭好鳥鳴相求韶景在東墅散步恣行遊
行行越初邇村陰亦何稠二麥秀高隴白卉榮道周
道逢村中叟招邀涉林丘酌酒烹伏雌竟日相綢繆
列鼎安足旨朱紱生繁憂垂老返故鄉稚子歡見休

贈趙汝脩

庭高有五嶽海外環九州騁目蕩情志側足虞涔丘
斥鷃睨翔鴻遠邇難爲謀八駿不踰階抱影成周遊
所以逆旅人翻然詆巢由豈知守一隅乃能遵道周
至人思達觀常與元化侔期君秉高節皓首以忘憂
四月十五夜同家兄及兩兒子劉甥以雲方山
人仲美湖上泛月

陽景盛初夏明月生我庭起步臨東臯湖水清且泠

層巒重瀉
卷之六
沈沈中流波方舟杳不停仰天浩無際俯首瞰列星
微風動百草衆山何青青況我諧骨肉顧盼怡中情
良朋雜歌笑一一生蘭馨觴酒足遺世安用稱獨醒
和汝脩苦熱詩

驕陽炳丹達鶉火煽煩燠企雨旱益殷招風氣彌毒
百靈慘不舒赤地焦九穀況乃近市囂炊煙鬱墻屋
側身苦踉蹌餘喘何局促起臥總無常飲啄非所欲
安得偕吾子逃之崑崙谷朝吸清露餐暮卽玄泉浴

贈張子元

崑崙奠西極培塿造其端宣氣產神物羅列仙人壇
瑇瑁長爲林弱水流爲丹地乳溢中土鬱鬱靈鼇蹠
五嶽五卷石九野九彈丸冥境浩無際所貴在達觀
愚公慮苦遠智叟從所安臥遊有至理意適神斯完

梧塘山居喜羽王京兆過訪

女夷暢天和玄鳥在高木藜藿夾脩渠垂蘿翳巖屋
微風自東來爽氣襲初服灌園不知疲臨流飲黃犢
興至發浩歌餘響赴空谷眷我青雲交迴車訪幽獨
歡言漉新醅佐以山中藪圖書恣神賞郊原縱遊目
石淙鳴樹間頗勝絲與竹俛仰從所欣居然遠流俗
石蘭溪再詠

仲春和氣舒肆眺青陽光芳蘭被脩渚嘉樹羅崇岡
況乃從我友逍遙上河梁谷風振靈籟湍波送流觴
遠慕箕穎節近希沂水狂景會神亦適因之等彭殤
蒿苴歎

山中故無蒿苴偶向羽王乞種成畦旋爲積
雨所傷因有此歎

蒿苴本常蔬所貴君家種分我雖不多屬意良已重
短根新入畦翠葉忽成壟小摘差可羹頻鋤始息踵
稍爲久雨困遂作污菜壅豈惜破塊勞實懷漏天恐
物生各有際陽景何矇矓

同方聖休游滄浪亭

朱明氣方燠燠氛迫環堵出郭從所忻幽懷歛焉吐
白日春高林微風漾平浦飛觀凌蒼煙長橋曳如組
躑躅遠市囂翛然一寧宇向夕移輕舸中流坐懷古
臺榭成遺丘鳧鷗自爲伍詠彼滄浪歌吾意亦漁父

贈友人

之子清且揚懷珍美無賈含毫吐其真炙轂慕風雅
冉冉將踰時孰爲知音者輕舟涉江濤叩我重巖下
坎壈知所安踟躕隘中夏鬱鬱平生心當杯一宣寫
從文仲得子與書有感

客從南州來遺我孺子書裂帛不盈尺抗意何鬱紆
相思日以老會面日以疎顯晦從所邁冉冉流光虛
良懷子文懼遠弔三閭居況當感銷落淚下沾我襦

酬孫兆孺

雲夢楚奇觀九水自今古西湫嶓岷根東膏吳越土
煙光浩無涯日月相吞吐我昔乘輕舟陵虛縱遐覩
將挾蛟龍遊遽犯風濤怒邁子在中流宛爾滄浪父
眷我亦何親玩世亦何武千載微屈平誰其詞賦祖

宋載道遊豫章還楚以途中諸作見報

誦子豫章行知子意不適風雨何滯淫一水遙相厄
況邁知音希俛仰滋局踣豈歎出無輿良嗟璞爲石
悅焉思古人珍才重賓客白璧交虞卿雕龍侈鄒奭
今茲行路心縱橫忽如奕歸與江漢濱且仗看雲策

與茂承言別

北風吹大荒雨雪無昏曉峩峩結層冰啾啾過寒鳥
遊子思故疆歸心忽如旄川途何滯淫兼之歲云杪
斷蓬在河因浮雲在天表聚散靡恒蹤憂多樂苦少
所須在知音且復酌清醪

題方元素竹里館

不是輞川莊誰題竹里館林浮陸海陰席布蓬池滿

澗露清琴書調風作弦管求羊自吾徒三徑何時欸

曉登顏子山絕頂

凌晨躡飛巒海日射天表三楚其在茲衆山亦何小
襟袂生流雲巖藂息過鳥何當遂巢居勿爲塵緣擾

下山作

野性難爲馴浮踪信所止尋仙未授丹望氣不成紫
山險石爲林谿虛雲作水道逢耦耕人却悟全身理
二月望後紅梅始花憶嘗與羽王共賦催花詩
今羽王有蒲圻之役不及共玩悵焉有懷

有約看紅梅花開人已遠晤言難可常春事亦何晚

豔比華林園香分大庾阪聊當誦君詩延竹向蘭畹

園居

岐路迷所適言反幽貞廬悠然謝塵埽地遠志亦舒
腰鎌刈蕪草灌畦得嘉蔬持之市美酒與客臨清渠
班坐無倫次杯行從疾徐酣至發高倡微風蕩襟裾
聊以解形役安知與世疎

還過白厓

赤水不勝葛白厓重拭衣纔嬰瘴波毒忽失朱夏威
氣候乃如此土風難可依飄飄遠遊子役役何時歸

甌甌洞藁卷之六終

甌甌洞藁卷之七

武昌吳國倫著

始安張鳴鳳校
新安方尚贊

五言古七十四首

初夏遊小武當 即顏子山

氣候清且和川光渺澄霽
 載酒攜良朋通波杳然逝
 攬衣歷平臯南山在天際
 翔鳥遺好音芳華款流睇
 陟彼千仞岡林巖欵虧蔽
 暘以鳴泉醒倦依蘿石憩
 陰洞噓寒飈幽籟互相遞
 飛巘夾靈宮境寂非人世
 羽師難可逢丹鼎久云閉
 何當遂休餐茲焉學蟬蛻
 北園觀小僮摘櫻桃作

北郭有嘉樹芳華粲以繁朱櫻何纍纍灼我薜荔垣
脩藂蔭滄浦連珠耀日丹童子攀其條采采不盈簞
我聞麥英子服之美人顏赤玉爲其液承以清露盤
裏袖豈無意將以遺所歡

同日得元美敬美書一自吳下一自南昌竝有

子與之郵愴焉興懷

矯矯雙飛鴻奄自雲中墜爲通千里心各以數行字
省會兩心同一字一揮淚吳楚天茫茫懷人杳莫致
夙昔何慙慙今茲徒寤寐況乃臨風波傷哉獨垂翅
仰首瞻青旻浮生總如寄相失猶所安相捐亦何易
游魂不可招湘潭亦顛顛往者日以踈來者日以異
殘月從晨星微光遠猶庇金石久不渝終焉託高義

王行父以白麈尾見惠賦謝

蓬居疹新暑抱影何鬱紆美人涉江來蘭佩青霞裾
授我白麈尾入掌從所如垂綵動繽紛流影明月俱
玄談應妙理微氛蕩以除同塵勿言達獨清未爲愚
在御卽所珍安用隋侯珠

移居與四兄稍遠悵然興念作此詩

同胞而異居於義已非古況乃隔城郭咫尺如分土
雖匪參與商疇爲禦其侮四顧鮮所親怒焉傷肺腑

鬢毛日以白色笑日以阻及時展歡宴聊復考鐘鼓
願比雙瓊樹交枝蔭縣圃願託雙鳴鸞齊聲振寰宇
室遠分益敦猶然一環堵

悼秦姬有序

秦姬者燕京秦氏女東陽李彥甫之愛妾也
彥甫故爲武昌令攜姬之官三年當入計因
買舟遣使送姬還比至弋谿遇賊姬恐見汚
自沈水死嗟乎姬烈矣傳稱符鳳鄒待徵妻
竝死于水不爲賊辱其烈殆與姬同然姬一
妾婦也不謂難之難者乎予聞而悼之乃有
斯作庶幾可以風世云

小姬出名都有美清揚婉憶侍君子時華簪髮猶短
雖鮮終席娛寧辭抱衾晚豈知別中路恩愛須臾斷
利刃白如霜雞肋難爲捍罵賊良自羞呼天亦已遠
委身赴清淵一決不復反矯哉金石心千秋耀彤管

贈金將軍

將軍故儒流意氣亦何激所志在四方乃學萬人敵
力能挾九鼎巧欲嚙飛鏑上馬橫琱戈下馬工草檄
角射長楊苑一發破懸的矧茲用武時邊烽未全熄
但徵推轂恩捐軀赴戎狄豈必孫吳徒獨樹疆場勸

矯哉班定遠榮名起投筆

暑中臥病柬仁甫

夏日之日長炎輝猛相迫三日不見君何啻九秋隔
况乃嬰宿痾偃仰傷局踳薄帷震蚤蟲中夜起辟易
密雲不爲雨四顧徒倚策豈不思奮飛惜哉無羽翮
餘生信須臾萬慮忽已擲

病暑簡羽王時羽王領漕將別

熇暑氣伊鬱臥痾情內傷炎風不解愠晨雨滋爲殃
汗下膏枕簟豈復勝衣裳膚潰半欲流喘急時自僵
蚊蠱苦見侵中夜起據牀河漢明我前那能奮翱翔
念我同袍友三年滯江鄉豈不懷魏闕欲濟川無梁
况當遠行役別我岐路旁誰謂形與影渺若參與商
含意不及吐踟躕毒中腸

答汝脩今昔歎兼示則勸

結髮從吾子遨遊六藝場有友二三輩志業亦相當
矢言厲金石豈復虞風霜天運濟相斥盛年難可常
所遇良不齊相望各一方匪獨嗟顯晦兼之感存亡
亡者骨已朽存者思未央白髮日以短誰保百歲康
何不屏俗管歡言處同堂詠彼伐木詩聊以不永傷
抱膝軒爲宗良王孫題

八極茫無垠美人在南浦抱影甘一隅投足不盈武
菌桂楮爾牀椒蘭實其廡因之息交遊益復厭簪組
所志豈不遐蕭然面環堵瑩精理柔翰埋照託清醑
境寂神易怡卑棲亦縣圃睥睨世上人營營自今古

樊山王東園宴集

涉江采幽蘭江路阻且遙豈惜行路苦恐雜艾與蕭
美人眷同臭解佩行相招歡言展高宴綺閣開層霄
奇卉粲以繁脩篁夾飛橋潛魚躍華池翔禽厲神飈
瑤盤進嘉膳瓊卮瀉甘醪吳歛變初節楚舞何妖嬈
衆賓起爲壽賤子申久要弦以大雅音結以青霞標
庶幾永終譽千齡無松喬

贈劉山人長卿

嚴冬盛朔氣雨雪淫川途噉噉孤飛鴻凌風劇哀呼
所願得儔侶翱翔與之俱之子處蓬室亮懷璠與璵
至寶不見攻幸哉完其初求友之四方日月潛居諸
歲晏從何來云自天一隅混混江漢流抱我幽貞廬
清言中微旨契合良不虛今將與子期結鞶趨中衢
杪冬日偶過北園汝脩子元攜酒見訪

步出北郭門言遵大堤曲踈楊不成村煙霏澹相屬
冬盡鮮餘寒亭臯被晴旭微風吹落梅清池燦如玉

塊然感窮交老至念彌篤豈獨愛景光因之避流俗
移樽遠相求引滿詎厭促流連恣餘歡徒倚寄玄矚
安用懷百憂此生長錄錄

悼俞仲蔚

吳都故佳麗燦若春華芳冠蓋紛相索文藻何煌煌
斯人抱冲寂屏居婁水旁抗意游古初含毫厲秋霜
藜羹苦不繼停芟爲衣裳況乃嬰夙痾抱影時自僵
仰吸甘露脂俯拾明霞璫友人王與徐偕之和清商
我亦造其里興盡回舟航良無握手歡神交幸不忘
悠悠三十載書札遙相將字以璠璵珍臭若蘭蕙香
豈必奉色笑然後稱同方矯首忽東望東路阻且長
白練不復覩但見少微光遂作高士讖千里爲徬徨
朝露本易晞人生亦何常垂年失知音安得不永傷

蘧園詩

蘧園者南海歐楨伯所居園也楨伯年且至
始仕爲民部郎以非其志每飯不忘園居書
來索詩且曰將奉故人一言逝矣因賦此招
之

南海多奇珍美麗盈路衢之子獨衷朴結志蓬蒿居
開園十餘畝種樹亦種魚脩竹干青冥雜卉蔭前渠

朝采虹澗蒲暮擲鼠壤蔬彈琴詠往古優游涉華胥
軒綬豈不貴義輪日以徂榮名難久持雲臥寧久虛
況乃疲執戟何如反其初飄然遂高蹈天地吾遽廬

雨後同方仲美覺上人泛蓮華池二首

涼風起平臯披衣出蔬圃眷彼芙蓉花灼灼滄浪浦
一葉浮中流微波漾如組菰際發短簫鷗羣犯柔櫓
返照懸東山殘雨迫西許夕景幻無端二客何栩栩

其二

北出高陵門飛橋百餘尺障茲千頃波偃作魚龍宅
偶爾乘輕舟夤緣歷沙磧雨氣與霞光中流互相射

參差衆樹青陸離遠山碧臨風發浩歌萬事渺焉擲

鄭少叅汝志自閩中遺予武夷蘭二盆賦此志

感

幽蘭長靈谷挺質何歲蕤離離雜衆草每爲世所遺
我欲挹清芬道遠莫致之感君眷同臭爲結山中期
采采不言勞移根庇其枝千里置我側恍若躋武夷
隨風發餘香鬱鬱九畹滋援琴不成操薄言有所思

夏日浣芳池曉坐

曉坐浣芳池林陰不知暑涼風遞清籟零露沾白苧
俯檻觀遊鱗澆澗如相語仰見雲中禽離哉何高舉

况無車馬喧塊然獨容與鐘鼎非所歆濠濮故吾侶
與張羽王言別四首

昔我涉南浦行吟何綏綏與君一以違歡言日追隨
斗酒義不薄悅焉臨路岐亮君策高足慰我長相思
時命苦見厄世路多險巇偃蹇克末位何以展其奇
重會各已老乍喜還復悲人壽非松喬安見河清時

其二

江介多悲風吹彼斷蓬草飄飄離故根漫漫趨遠道
念子懷璠璣舉世不見寶則足豈其愆泣血呼穹昊
所至突屢移榮名豈常保天命良可疑憂心忽如擣
旨酒盈我樽與子但傾倒歸與巢桂林勿復傷懷抱

其三

拙宦良所安解龜學爲圃漢陰本吾師於陵亦吾輔
那知夙所親懷牒適吾土敘此平生歡興文辨今古
朝陟龍山顛暮浮下雉浦清遊良及時何乃行役苦
泥途困逸足卑棲局修羽拂衣從此辭相顧涕如雨

其四

漠漠蒼梧雲迢迢九疑山前路脩且阻遊子當來還
千里不言遠徒步非足難入門視四壁荆棘克其間
童稚走相逐淚下俱潸潸以彼飢寒色顧此憔悴顏

百歲但相保何必去故關懷才竟若斯仰天爲長歎
石潭

山懸忽中斷水落深不流老樹穿石骨洄波觸沙頭
村藏捕虎檻渚集鎊魚舟曲岸遞相迫迴從愚谷遊

望龍山

桓公展高燕乃在龍山巔大會文與武冠蓋相周旋
誰如孟叅軍天質任自然墮帽了不驚請筆辭翩翩
茲風已千載朝市凡屢遷山前有故邑化爲陌與阡
我欲矯雙舄荆棘難可塞延佇發長嘅萬壑生寒煙

上石門灘

挽舟上石門懸流散洄湫雙崖迫相撐頗類裊中谷
潭深杳莫窺下有老龍伏白日吼迅雷遂恐震坤軸
舟師殫餘能避之淺沙麓咫尺難遽前頽陽一何速
改轍登平岡漸近田家屋豈不憚驅馳庶幾保傾覆

歲暮懷仲美因寄

冉冉歲云暮雨雪彌路岐百卉脫欲生日月潛推移
飄飄遠遊子一往無還期江漢深且阻形影何纍纍
豈其乏舟楫反顧中自疑褰裳采蘭杜諒當不我遺
我有一杯酒思與子共持子來毋滯淫相樂但及時

豫章行贈曾文學

豫章表南服孤榦何輪困靈根入無地枝葉干青旻
本爲明堂資委之幽澗濱匠石弗見采居然葆天真
農人社其下端冕稱明神私願亦已足寧辭雜荆榛
鄒彥吉使君招飲赤壁

使君展高宴飛蓋臨江圻陟彼千仞石樓觀何崔巍
下有蛟龍窟洪濤震漁磯古人一遺跡我來寧有期
中庭見樊口浦樹相因依舊遊日以新新知良不疑
密坐恣勸酬清言旨如飴君但發高唱勿謂知音稀

懷舊詩有序

予登西山因憶嘉靖己酉歲嘗從熊元乘李
子恢劉仲將登此飲甚歡後元乘仕至御史
大夫子恢爲郡丞仲將爲縣令閱今三十餘
年三君物故久矣予獨以暮齒重來蓋惻然
傷之爰賦一詩寄愴焉

新栽薜荔衣服以涉江遊言躋九曲嶺俯見崢嶸洲
吳宮化爲剎安從識南樓但有參天樹空門鬱以幽
昔我二三友少壯稱名流攜手歷茲境訪古恣綢繆
須臾委路岐駒迅不少留重來髮已華屈指三十秋
山川故無恙逝者何悠悠抱此山陽感顧望增百憂
人鮮金石資松喬誰與儔令名苟不朽彭殤盡一丘

謁熊元乘中丞墓

弭棹江之沱寒裳涉脩隴野煙蔽叢樾中有祁連冢
宿草何離離石闕如人拱傷哉我所親義比丘山重
半生在兵革間關無息踵功成殉海邦道路哭且踊
生爲萬里城沒被長陵寵夜臺不復旦使我涕如涌
絮酒揚微馨浙浙陰風動

弔嚴叟

叟武昌縣人
卒年近百歲

我昔年少時逢君已稱老託交三十春每見顏色好
豈其餌大丹相將赴蓬島逡巡九十餘與客猶傾倒
一夕謝世人飄然脫煩惱尺土藏空衣脩靈在穹昊
偶爾經故居酌水羞蘋藻驪宮與却山與君誰壽夭

西塞山觀酌別行甫

鄂渚多名山蜿蜒薄江介邁茲清和景與子同于瀟
上下三百里驚濤潏泝小回遡大回輟棹探奇概
陟巘摩穹霄分泉吸沆瀣登頓不言勞賦詩殊慷慨
廻舟御天風須臾下西塞巨浪排山鳴積石一何怪
攬衣造其巔業已出霞背南北塹一水衆山俱壘塊
巖藏古玄宮班坐無纖礙黃冠煮新茗僮子進鮭菜
淺酌聊數行白日垂鬢黓庶幾古逸民清言自爲快
眷眷十日飲遂恐千秋代子行將何之臨流忽長嘅

勝蹟杳未窮良晤難可再願比雙黃鵠逍遙九天外

答彥吉二首

彥吉清廟材弱冠綜六籍吐氣宣幽蘭好脩自和璧
稍聞七子風彌滋千古癖一出鷦鷯編觀者盡辟易
豈不在畏途抗志惟所適黃鵠厲高空疇能比其翮

其二

詞家祖離騷王迹在風雅作述有代興汚隆不相假
今茲邁嘉昌古道還中夏譬彼園丘器所珍陶與冶
瑯琊有名甥識曲悲和寡入以問在朝出以求諸野
神驚九天上思沈九淵下含毫不憎禿會意亟宜寫
一語如有神連城非其賈豈予邂逅間覩爾同聲者
劉世仰還自金陵云過潯陽時爲大風覆舟僅
以身免酒間賦此慰之

千里白門來相逢轉相惻豈無杯酒歡不解風濤色
九江何險巖二儀忽傾側幸免遊魚龍將無有羽翼
入室魂且驚拜母淚初拭倉皇理圖書匍匐弔親識
義命應所安倚伏詎能測願子戒前津勉旃崇令德

偶書六首

臯陶昔爲士執法乃行仁疑輕緩其死仁至法亦伸
何哉申商徒秋荼日以殷漢相佐草昧除苛監亡秦

况乃際嘉運上有冲聖人宜宣好生德庶保無冤
民

其二

乳虎紛揚威屠伯亦何廣三章約已虛五毒更相枉
一入無赦條誰從辨鉤黨衛索不逮餽梁書不遑上
駢首就誣服冤氣鬱霄壤怪哉咸陽市白日號魍魎

其三

生逢太平時德意何局促三宥恩未彰罪累屍已伏
豈無東海冤亦有渾良哭一史按刑章千人登鬼錄
誰云酷吏風作備自帷幄殺氣干天和安望于公福

其四

大臣自休休朝士自諤諤庶幾盛世風共副心膂託
古道一以微周公豈復作愚夫諱言痾死不受良藥
一語犯其陰恣睢忍相虐正氣幽圜靡英才置靡莫
防口何大勞調元日以薄烏鳶嚇未休腐鼠畏人攫

其五

匹夫但懷璧逸民多放言或鼓雕龍舌或歌衰鳳篇
豈不犯時諱古道能容賢江南兩狂士胡乃嬰微纏
非有竊鉤行亦無驚蹕愆月旦豈盡私春秋儒者傳
承風互監謗巧詆成沈冤橫同襴衡厄舉世相哀憐

其六

昔聞涸澤蛇大小相銜負小者稱神君大者幸自固
羣趨越山梁行人皆辟路中遘捕蛇兒揮劍逞其怒
大小盡一時首尾不遑顧智哉田成子反爲鴟夷誤
抵黃州聞仲美先一日東下從江上相左

日予有遠遊五嶽從茲始豈不與子期望望春江淡
江路廣且深風帆忽如駛中流一相失淼淼千餘里
佳會難可常懷人日未已行行蘼芳洲采采蘭與芷

過漢上悼亡友陳憲卿李師畫

憶昔偕我友齊軌適皇陸從之鷓鴣序竊藉芝蘭馥

憲卿秉玄覽師孟振奇服折節申古歡興文謝醜郁
各有萬里猷韋弦遞相勗婉變方及時嗟予負流俗
微衷不竟宣化離以跼伏我友亦浮沈參差臥林麓
雖鮮鐘鼎勞幸哉無失足庶幾江漢間垂老致心曲
蒼天故悠悠降割亦何速奄此一歲中憐然毀雙玉
茲晨涉雲杜引領思遐躅忽忽浮雲端嘹嘹雙黃鵠
感彼儔匹聲滋我肺肝毒夜臺何綿綿宿草尚一哭
各有象賢人無煩閔華屋

過郢寄懷李本寧二首

進帆歷涓沔暮泊蘭臺陽眷眷屬所私攬衣起徬徨

美人別何許音徽渺相將室遠猶爾思漢廣亦可方
胡爲一水間曠若參與商清風颯然至宛復歌春陽
含意當誰吐中洲采芬芬芳欲自致覲彼晨風翔

其二

冥造浩推移屈信遞相倚人生詎有涯明哲諒斯理
子昔遊帝京斐然號良史絳灌一以踈惡用直如矢
浮雲翳大空白霧騰海市變幻曾須臾河清復爾爾
見日不見煬衆賢拔茅起子其戒安車驅馳以萬里
過沔口聞陳玉叔北上不及一造悵然有懷

條風蕩重湖水氣倏已暖漸與春服宜不厭舟行緩
輟棹遵脩隄橫流忽中斷跂瞻夏汭園伊邇玉沙館
豈不眷斯人衡門屬誰款高高黃金臺躍馬去未返
躑躅寒芳洲徘徊歷蘭畹落日昏前林浮雲逝已遠
但聞漁子歸踏歌出修阪嘹嘹沙際鴻因之託繾綣
玉叔庭中有石如虎寄題贊之

怪哉昆吾洲有虎化爲石移置君家堂觀者盡辟易
匪由精衛銜或假巨靈擘爪地藏餘威典雲表文春
坐使熊渠驚不受梁鴛迫爲君驅百邪長當鎮華宅
遇真宮卽事

結侶行采真修途亘川陸踉蹌二千里靈山始投足

仙關闕窅冥馳道紆以複列嶂圖曾城崇柯蔽玄谷
宮闕儼帝居金光蕩晴旭黃冠奏笙璫導我入雲麓
飛竦鬱爲梁潺潺漱寒玉此中有真氣萬儀凜清穆
所以張異人於斯悟仙籙丹成羽翼生冲舉謝塵躅
不聞天子招霞外信飛伏遺像亦委蛻誰能強結束
勝地追高風我心淨如浴雖已逃世網胡爲混流俗
長當從此辭餐芝駕白鹿朝從緱氏遊暮託崑崙宿

謁太和宮

望望太和山行行衆峯杪百折三天門岩巖出雲表
朱宮敞清虛列室嵌幽窅逡巡躡飛霞飄然縱遐眺
仰驚一柱絕俯瞰九州小雪嶂森琪林星樞肅靈旄
八璫淒以清空香陵縹緲歆茲上元居淵淵淨諸翺

謁五龍宮

涉澗遵飛橋凌虛踰層嶺遙窺縹緲峯漸躡冥濛境
龍蟠怪石根鶴下危松頂紫蓋垂紛綸丹梯鬱藩屏
山纏九曲垣泉沸五龍井連蜷上帝宮天矯神人鼎
複閣叢霄紆羽室繁星炳玉象含異靈金輪轉空影
聖代崇玄功清遊諧幻景幢揚百禮登鐘發萬方警
陟險身忘疲憑高日爭騁瑤草秀可餐珠華粲堪秉
依稀月佩還想像雲衣冷因探無上詮遂有太初省

息心撫元化諸妄一時靜

寄贈漢陽蕭太史二首

天閭啓雲表阿閣陵太清玉露湛以繁縹緲雙金莖
美人奮荆服連翩翔帝京朝霞麗苞彩喈喈文鳥鳴
一鳴律呂諧再鳴萬象驚因知楚有寶所貴非白珩

其二

昔吾楚先民實建文苑旄左史業墳典左徒著離騷
後死聞其風代興多詞曹大別與小別差峩薄江臯
蕭氏有二龍驤首如爭高英英造天闕嶽嶽簪素毫
將脩鬻子緒趨踰勿言勞

葉山人茂長客鄒黃州所將過訪予暑中先以

三詩見寄率爾報之

大火行丹達颺氛一何毒密雲不致雨樊居爲予梏
念匪金石資何當苦煩溽氣結難可舒中夜起躑躅
詎知江南生能爲郢中曲一歌白雪揚三唱清風足
宛在一水間泠泠意相屬豈其物外遊遂從天池浴
翛然海嶽姿不受纓綵束相將邁至人與之縱遐矚
陟彼閬風巔舉世皆局促

喜葉茂長至

秋風厲江介漭漭揚洪波白日赴濛汜天吳立峩峩

蛟龍吐妖氛漁子潛山阿有客故好奇來如濟天河
輕槎犯河鼓倏忽相經過豈不畏涉險結志趨煙蘿
入坐陳平生銜杯咏且歌始悟新知樂一日良已多

酬茂長

鴻鵠下秋旻徘徊漢江浦將止命其儔將飛厲其羽
所志在寥廓恥與蜩鷲伍念子懷清風頗遭流俗侮
求友之四方獨行何栩栩叩我空谷中陳詩慨今古
萬里一知音無辭遠遊苦豈效鄉曲士終焉守環堵

北園酌茂長醉賦

蠹蠹原上柏纍纍水中石木石我所依薄言靜者宅
初秋天氣清忻此遠遊客客遊何所希一語成莫逆
剪韭烹露葵侑醕甘於炙微颺入林幽落霞被山赤
灼灼紅蕖姿娟娟青桂魄野性難自持移舟擘芳澤
抽翰不成辭臨流意俱適差擬蓬池觴何如西園席
醉臥從所便千秋亦陳迹

夏日吳孝甫見訪北園一醉逃去寄此嘲之

遠來何所聞忽去何所見豈薄竹林棲故逃河朔宴
煙波潏自疑花石虛相戀怪殺高陽徒酒態亦中變

贈劉生二首

劉生故任俠何自來雲林懷刺已半敝鼓囊時一吟

詹喬浦夢 卷之七
遨遊狹五嶽然諾輕千金長夜與之飲鬯然披素襟
其二

壁立不言貧布衣不言賤遊揚公卿間但醉無所羨
晚遇方外人約與壺中見投我一粟丹何時反童面

古意贈茂承

長松偃欹壑亭亭霜雪姿文采鬱虬龍層陰被中逵
上巢千歲鵠下結萬年脂爲材豈不碩匠石渺未窺
幸與斧斤遠免爲溝中資行者息其陰清風颯來茲
諒彼歲寒心可以貫四時託根旣云異至性良不移
豈其雜衆芳奄隨秋草萎方外得我友高節洵如斯

贈張禹卿

秋風起江介翔鴈鳴千征江水日蕩瀟鴈往無時寧
相將顧儔侶嘹嘹雲中鳴雲中曠次寥但遠虞羅驚
嗷嗷旅遊子離離適南荆新交良不薄況乃思同聲
何以實籩豆共此葵蕨羹何以克雜佩贈之蘭與蘅
冬日臥病熊惟遠來見訪與之小飲作

北風天雨雪玄雲蔽江關病骨趨龍鍾裘敝不禦寒
陽輪豈終匿忽忽歲月闌閉門但僵臥餘齒日以艱
之子從何來云遊江漢間登牀執手灑淚陳辛酸
浮家坐自誤行旅徒躡躡新知豈不樂無以要古歡

歸來面四壁蕭然發長歎婚嫁苦未畢故土寧盤桓
病夫起相慰百憂何時寬得酒且放歌毋爲凋壯顏

大孤小孤

大孤鄣湖口小孤插江心相望百餘里不與波浮沈
雙標雪頂突萬仞雲根深舟行但一瞬霎然開我襟

攔江磯

驪龍行度江垂首曝其脊中流激風波化作橫江石
灑瀕莫稱險天塹猛相扼舟子捷如神經過猶辟易

過蠟磯

江城蕪藻間沙磧半浮沒九水落天門洄流漱石骨
愁殺峭帆人恐犯蛟龍窟而我但一葦凌空迴飄忽

天門山

天際一拳石何年巨靈擘厝作東西梁長江此中割
石勢爭奮飛江聲湊相迫千帆過如雲壯哉天門闢
遊燕子磯同行甫仲美賦

江行睠名山茲山何峯嶽繫舟兩崖間數峯倚天出
矯昂恣攀躋巒光秀堪拈縣梯躡虛無迴波潏蕩瀟
飛閣鼇帖危風帆鳥爭疾奇哉燕子磯坐瞰鮫人室
古臺樹盡膠陰谷蘭始茁引望窮東南徘徊忽自失
拂石喧傳觴探奇競操筆酣歌激清籟萬境俱瑟瑟

遊弇山園同元美敬美行甫仲美賦

開園婁水涯麗美東南擅夙昔牽神遊茲遊况清宴
入門世已非踰梁境復變磴道蟠鬱紆池華展葱蒨
崇臺冒霏霞陰洞積霄霰林端石競飛巖際瀑紛濺
舟迴欹樹灘衣沾落花片結構成化工攀躋俯文練
縹緲僊人樓氤氳菩薩殿玉笥藏貝經金光朗珠面
乃知靜者心無復人間戀緩步從所如微吟有深眷
開筵面通波秉燭更幽院宛其梓澤津掩彼蘭亭讌
佳會及春陽交歡竝時彥三晨歷未周十日飲何厭

別章元禮

元禮遇予弇山園輒復戀戀追陪歷姑蘇苕
箬間凡踰半月雅好古文詞下問不已而予
實無以承之茲返棹過道場山言別爲賦此

志感

逢君婁水湄別君菰城下往返十舍餘兼旬接杯罍
新知成古懽私衷歷宣寫抗意起先民鼓行探作者
謇余楚狂生齡衰識彌寡何當報殷勤偕之振風雅
風斤思郢人神鑿待歐冶子其壯爾輟挾轡馳中夏
丘謙之使君過訪山中有作賦答

漢廣秋水深美人渺何許葭葦不勝霜鳥驚樓復舉

簞垂清夢 卷之七
孤舟暮黃綠泊我滄浪渚豈不畏風波勞勞眷其侶
反棹嗤王猷命駕薄嵇呂入門諧夙歡呼兒進雞黍
當杯復何言四顧獨延佇遺彼簪紱華忻茲方外語
酒酣發高倡林光澹容與

壽俞徵君應瑞七十

徵君本儒家布衣巖塵埃機事夙已忘德宇亦何廣
近市豈不譁居僧薄爲駟於余三世親況乃十年長
抱經昔同門徙宅今比壤交久義益敦年高氣逾朗
呼盧夜追歡縱歌時自賞燦彼南極英宜茲上庠養
燕喜及良辰笙鏞發清響客陳老子圖兒捧盧敖杖
彩雲切巍冠甘露分仙掌爲結千歲期容與羲皇上

贈王行甫

王郎屈樊楚矯志遊玄虛門胄豈不華軒冕非其愉
掩關理羣籍操翰從所如徃徃出新牘燦比明月珠
謦予匪涓曠微音託笙竽調弦應同聲金石矢不渝
爰偕五嶽踪形影常與俱飲以清露漿臥以幽貞廬
逃世醒醉間吐氣高雲驅方外得斯友油然古人居
因之戒遐軌百歲以遽遽

龔龔洞藁卷之八

武昌吳國倫著

始安張鳴鳳校
新安方尚贊校

七言古四十六首

越女行贈友人新婚

越女窈窕臨新妝鏡臺雲生五色光珠華旖旎蘭澤
 芳霞綃霧縠明月璫一水盈盈隔瀟湘郎君欲濟河
 無梁青鳥銜書鳥鵲翔天邊機杼遙相將履綦不動
 輕塵揚鳴環歷歷諧宮商錦屏綺席羅中堂南薰徐
 來琴瑟張飛絃促柱何洋洋齊聲雙勸瓊露漿含情
 攜手赴曲房繁星在天夜未央同心燭照珊瑚牀合

歡被繡雙鴛鴦懷中取贈西國香何以貯之金錯囊
良時極樂兩莫忘但與天地同久長

詠史二首

陽翟大賈邯鄲姬不提尺刃盜人國質子懸蒙太上
稱侍中解斬嬴秦澤二周已滅六王并頌德銘功爛
金石閣道朝宮跨渭南刑徒百萬阿房役儒書煨燼
儒生阮任法求仙俱上客臥內先藏指鹿奸海上虛
傳射蛟策封禪巡游快侈心山鬼陰禡祖龍鬼君不
見輜輶之鮑鼻尚掩山東已走諸豪傑十二金人化
作妖十二公子駢爲戟又不見望夷宮中三日齋衛
士操戈衣盡白咸陽城裏三月火雲焰燻天天爲赤
吁嗟乎悲哉長城北海自金湯誰知不保蕭牆厄

其二

垓下潰圍尚有馬烏江問渡亦有船帳中悲歌美人
泣百戰非力亡非天君不見會稽城懸太守頭吳中
豪傑從西游瞋目叱咤千人廢三年自將五諸侯又
不見新安十里阮降卒咸陽屠盡義帝逐白骨爲山
血爲海風雨冥冥陰鬼哭吁嗟乎悲哉皇天好生汝
好殺萬姓無聊二儀狹一秦方滅一秦興何人不慕
三章法赤帝長驅縞素師非復鴻門謝羽時匹夫誤

學萬人敵五體橫分漢壁馳亞父七十好奇計曾望
雲龍天子氣不及外黃舍人兒片言立使重瞳畏

榮陽道中

八月單車走成臯路險直自雲霄鑿攬轡徐看箭括
通抗旌疑向褒斜卻靈源芝菌杳未攀但見大索與
小索廣武鴻溝沙草荒天邊九曲黃河落中原要害
此其最西扼嶠關障伊雒憶昔楚漢逐鹿年間關此
地連鋒鏑教倉粟盡戰未酣白骨纍纍填巨壑君不
見周苛衛淡甘就烹紀信誑楚非輕生英雄不覩霸
業成化作雙虹吸滄瀛

春日同余德甫宗子相王元美集姚園席上分

得破字

誰家池館杜曲傍竝馬攜壺踏青過碣石風來玉龍
舞洞門雪霽玄猿臥春寒二月花不開高天垂垂日
欲墮匡鼎說詩解人願漸離擊筑驩四座奇思能令
萬象驚須臾傲睨千秋破對酒寧爲世網悲雄談一
一明珠唾人生適意各有真吾才豈敢論王佐黃金
難逢鮑叔知囊粟且救東方餓當歌不醉亦徒爾滿
眼世情增懶惰試問長安鳴玉人古來白雪誰能和
訪子相旅舍醉而放歌

天地倉皇日月流浮雲四塞豺狼滿嗟君病後謁承
明此夕纔舒雙淚眼張燈一顧顏色真抵掌翻驚毛
髮短平頭奴子抱玉壺邀予且醉華陽館爲君重歌
郢里歌君亦和之廣陵散禮法寧拘阮籍狂塵埃止
縱嵇康嬾大呼莫遣杯行遲赤手欲把天河挽往年
同社六七人各各聲名沈藝苑飛揚何知羽翼垂調
笑但惜結交晚榻來風波各一隅遠者萬里音微斷
李君爲郡苦持板王郎一病幾舍飯徐梁二子亦索
居長安市中無酒伴頗疑真宰忌雄圖不怪世人輕
異產吁嗟吾黨豈徒出當君意氣千金失追隨畢卓
共持螯何用鄭莊復置驛擊君唾壺枕君膝東方漸
明歌愈疾人生苦無金石姿誰能坐衰蒲柳質要使
山河移片言更叱風雷走雙筆驤首無爲轅下駒抗
身却笑禪中蟲傲睨乾坤只羽毛醉來萬古如一日
何必區區苦自營浮名豈是長生術君不見昔人高
築黃金臺空令後人指蒿萊荆高一歌燕市哀昭王
霸業安在哉

苦熱行

祝融叱馭行大荒大火南升金伏藏赤日亘天照彭
蠡炎蒸鬱結廬山黃泉源已收雙瀑布晴虹渴臥三

石梁馮夷閉宮不敢出雷電失職星無光仙人九芝
枯欲盡湘州石燕飛難翔初訝女媧煉赤石霄焰不
息天煌煌又疑楚兵入函谷縱火三月焚阿房吁嗟
毒熱那可當吁嗟毒熱那可當銳頭小兒匿深谷一
足山鬼號幽篁波臣待索枯魚肆夸父立稿大澤旁
而我羈旅一草堂土階卑濕棲炎方況復狐鼠穴我
墻蚤蚩營營鳴我牀洪濤洶洶落九江何殊九鼎爭
沸揚科頭赤足衫單綌如被鎧甲臨疆場人間襤襪
何倉皇尺寸之膚皆贅麗紈扇塵尾虛相將汗下如
雨浹我裳我有所思毒衷腸仰屋大呼起徬徨普天

憔悴難可忘中夜倚枕猶探湯手執如意叩穿蒼安
得矯翼太清鄉天帝飲我瓊露漿南風一曲高雲涼

景州塔

景州塔高崔嵬金輪寶樹層雲堆海上六鰲戴未穩
何方孤鷺飛能來參天忽如一柱觀射日不見黃金
臺舍利光浮大空紫梵鈴聲起溟渤哀此中徃徃千
佛現燕趙兒女紛相猜景州塔高崔嵬我欲登之望
五嶽五嶽隱隱蒼煙迴手捫星斗策風雷掀髯大叫
天闔開俯身叱馭雙鶴回一顧萬境俱塵埃長風吹
塔塔欲摧須臾化作龍池灰白蓮社客真凡胎西方

之骨何爲哉

聞張肖甫謫陳州賦寄

辛酉四月天不雨燕南赤地連畿輔
孳骨如山大道傍鋌矛充斥無安堵
天子宵衣長樂宮罪已求言心獨苦
拯飢盡發大倉粟靖疆特授元戎斧
境內吞聲殊未休五陵七貴徵歌舞
誰云弭災無上策輦轂黃金賤如土
詔當黜陟辨幽明一挽天心澤寰宇
亦知此舉屬鬼神黜籍能無張肖甫
肖甫爲郎已十年昔時綠鬢今蒼然
金盡不屑暮彈鋏途危豈使先著鞭
憶昔丙辰彗星見汝兄明卿亦播遷
今來入宋幾削迹汝復在陳鳴絕弦
東海波臣涸且煦南方山鬼號相憐
臺省紛紛自賢哲小臣之罪能干天
但得雨暘時若三辰順天子萬壽羣力
宣家足人肥戶不閉中原四顧無烽煙
與汝何須更達宦名山大澤終忻然

汝南醉歌留別子與

汝南郡閣天中開桐柏之水天上來
太守握符但臥治故人歇馬同登臺
海內窮交半淪落相看此景增徘徊
試將景表測四極移爲詩案參三才
四極三才漉未窺男兒七尺身何爲
馮君倒盡平輿酒高歌起

舞偏生悲客遊梁園病且倦逢人敢吐胃中奇五斗
折腰猶苦飢秋風且賦歸去辭歸去來兮勿云早誰
見紅顏長美好二毛不改潘生拙一官虛使馮唐老
今名達宦難可兼後死斯文須自寶黃鵠磯頭一片
石已叱浮雲爲帚掃

題了文學觀海圖

廣文先生好神游自言一日週四海七尺素練藏笥
中風雨陰晴變真率開函細浪已吹屋展卷明霞忽
成綵蜃閣颺颺赤手懸雪山突兀虛堂改乍合乍散
羶霧生洶洶震耳魚龍驚奔如萬馬不可馭澄若一
鑑浮空明員嶠方壺渺難卽滄溟渤澥俱無名恍恍
驅我遊萬里風波滿眼須臾平先生颯然酌大斗與
誰好結乘桴盟

贈張文學

會稽之竹昆吾金鏃羽不銛精光沈張郎才美亦如
此青雲屢負平生心疋馬却上長安陌一日聲名遍
相索入舍先探石鼓文談天復結華陽客是時予厭
承明久賣賦餘錢僅沽酒張郎挾刺來何親四坐談
鋒敵未有遨遊不逢楊得意歸向青原臥空翠誰知
臥治七臺陰千里颺颺雙鳥墜兩鬢相看色已秋可

憐兵火淚難收高齋寂寞幸且留為爾一醉開羣愁
贈張邦聘有序

邦聘嶺南諸生也憤父死於賊破產購士圖
復父讐遂大擊賊勝之總戎使者疏其功聞
上得賜父營祠併錄用生生適謁予談其時事
甚悲壯也因賦短歌以贈

往年蝨賊起潮惠羅浮欲摧南海立張生有父里中
豪大叫轅門入長揖願提一旅當前驅十萬官兵動
呼吸深入那知雲鳥孤全營已被蠻煙襲生也痛哭
天為愁何當一報君父讐投筆起舞背盡裂死士不

惜千金收每飯未忘鉅鹿難三年豈釋扶椒憂七首
藏魚鉛置筑丈夫恥借盜俠籌朝逢異人授陰符暮
趨開府獻陣圖衝鋒却奮犀皮鎧結火先飛金僕姑
颶風助順天厭亂鯨鯢血海豺狼逋開府捷書奏
天子雄聲一日蜚上都天子宵衣顧南土論功首
卹張生父雖無生象畫麒麟猶揭忠魂壯今古人言
張氏好男兒誰知男兒心獨苦萬死非干忠孝名一
劍自許涓埃補國恥既雪親怨平區區戰功安足武

鄧母張太孺人七十壽詩

朝上七臺顛飛睇入牛斗英英五色雲中天陸離走

彷彿麻姑仙瑤池謁王母青霞結爲佩沆瀣挹爲酒
王母不可招麻姑望何遙盱江城南萬峯立金盆玉
笥芙蓉嬌西來鶴馭下赤霄武夷雉羹秦臺簫鄧家
阿母垂黃髮手扶綠玉干星杓壽觴之前彩衣舞儼
爾羣仙絳節朝河清可俟嶽可移人間福澤天無私
兒郎矯矯冰玉姿石匣丹書夜夜披南州佳氣鬱不
散青鳥相將銜紫泥昭陽太守故無奇兒郎談經解
其願言從假館留賢日遂結升堂拜母期

憶昔行寄劉憲使志仁

憶昔江門倚天關一片落星照夜白誰騎靈鹿下太
虛五老化爲二遷客劉侯臂縮玉麟符吳郎佐之法
三尺荒城如斗吏事稀日日看天笑相阨有時枕籍
昭明臺尋仙指點匡君宅彭蠡呼爲百甕春廬山偃
作三經席詩成傲睨江雲空牛斗之間氣殊迫劉侯
興至揮壘帚創意直掃千尋壁侍子和墨天池枯落
紙風煙變初格森如鐵劍橫秋霜危若飛梯轉九石
倒戟憑陵刺虎莊鼓刀想像雕龍奩雲鵠遊天鷺戲
海由來神品無今昔吳郎縱覽舌盡吐握筆如椽效
飛帛坐臥書腹腹欲穿三年不就沙中畫一臺二妙
名頗虛恥向人間弄精魄自從馬首分東西乾坤耿

唐書
卷之八
九
耿世如隔赤城羅浮欲往從天風不爲吹雙鳥年來
溫陵戰初息鯨鯢血濺海水赤玄廬高倚刺桐城萬
事浮雲棄如擲世上新傳彭澤辭故人尚憶菟園冊
醉中日月能幾何老去江山一遺跡劉侯劉侯三歎
息結交少年誰莫逆相思難寄絕絃聲請君自看扶
桑碧

贈沈嘉則山人

海風蕭蕭吹大荒扶桑倒映八水赤三十六峯人不
見何來骭髀東明客尺刺模糊出袖中抗聲入坐談
今昔興來呼酒自引清詩成朗吟海天白天白山蒼
巒霧懸出門納履霜欲穿托跡自比南州士側身豈
受時俗憐如君文彩何翩翩致身不在青雲顛青雲
白日自相薄藜杖綸巾殊不惡少年竊藉曹丘名鄉
曲虛然季布諾紅塵不蔽雙白眼睨視乾坤一瓠落
瓠落乾坤君莫疑漆園傲吏是吾師高車大蓋五花
馬世網縱橫安所之相將脫此聽蛄窟與君同浴鴻
蒙池

贈林源甫秀才

海上天風吹白波蓬居藿食如君何憐君老大不稱
意詞場挾轡風雲過執經少年半青紫問字公卿走

玉珂牛衣對泣淚未拭馬廐招尋客總多
竭來擔囊謁昭武如挈龍鼎遊天河下堂執手上堂飲一醉不復言蹉跎

丘鳴周見訪郡齋席間歌贈

七星臺前九曲水風雨冥冥石齒齒衝濤雙檝海上來古色相看郡齋裏爲道新詩勝昔年須臾得意振衣起掀髯斗酒月在杯應手千言星落紙酣來絕叫昭陽君不必紛紛數餘子自古容華各自妍平生禍福真相倚憶昔君爲司膳卿左掖高梧望伊邇雲川孺子重結交長安呼作高陽里怪底詞園陸易沈風雲反掌川陵徙予方幙被辭雙龍君亦懸車臥九鯉同病相憐彼一時那知故人難未已天兵不解蒲中圍白骨相撐高四壘力盡空存罵賊舌身輕不繫縋城纜利刃其如彊項何鱣鯨失勢驕封蝘南冠蒙頭髮吹面鼓篋酸辛肉銷髀人言虎牙不可劇偏君談笑履其尾海神呵護七尺軀羣醜那能瞪目視一夜攬槍沒巨浪天留間道歸蓬累入國那知陌與阡家家門巷羅荆杞妻子徬徨走相弔一淚一血南天紫漢京冠蓋自雲集斯人落落乃如此黑牛白犢誰前知雌伏雄飛浪相詆羞從涸轍呼路人旋拾殘編悟

玄理招邀同社方君敬行吟竝入樵溪浹下榻聊分
辟地憂將詩更博談天喜壺陽八面仙人峯一一樽
前爲予擬歸去重來意轉親三秋瞬息流光駛拂案
驚人五彩毫開緘贈我雙文綺自挾千年山水音相
遭莫掩鍾期耳心知非復吳下蒙斯道東南從此始
由來山川寶神物羊腸鳥道平如底若非意外走羣
靈何用賊中垂萬死君不見文姬忍恥拍胡笳漢人
聞之哀不止又不見祁連山北黃雲悲河梁萬古蘇
與李

送江干夏下第還江西

千里之足垂天翼渥洼冥海魚龍國雲錦失顧風無
力鹽車躑躅蓬蒿息嗟君射策四十年詞鋒嶽嶽腹
便便長纓一請成華顛和璞不剖光猶全垂首下帷
心獨苦四方學徒半圭組鄰炊豈熱梁鴻釜朝辭閭
闔出神武廬山白雲坐懷古君不見漢家中葉好文
主申生胥靡遷生腐

酬戴金吾伯常論學

西京大戴儒者徒從龍奉詔執金吾玉勒琯戈汗
血馬先驅警蹕馳道呼道傍仰視色如土豈知將軍
不徒武說劔能輕萬人敵談經更號羣玉府赤日耿

耿垂高天辭金不獨關西賢結交欲盡天下士妬殺
五陵諸少年 兩朝侍從恩已深但學東方且陸沈
年來屬車少行幸休沐頗遂思玄心玄心如珠赤水
見精光不逐風雲變却問西河講業人此中何物堪
交戰

同黎員外戴使君遊海珠寺

熒熒海中珠潮汐爲吞吐偶爾乘浮杯飄飄凌覆釜
萬仞雲根插海宮徑尺靈光燭今古飛樓縹渺龍頷
懸夾水分明蚌胎剖聳身乍躡崑崙丘馮闕忽在清
虛府人傳大聖起西方誰知真境浮南土山僧擊鉢
風雨來面面帆檣集如堵五羊城頭新鬼哭地維欲
絕蛟螭怒萬炬已奪摩尼光佛力曾爲十方主蕭然
四顧悲且歌二客從之竝起舞安得珠花拂大阿一
掃攬槍淨寰宇

遊七星巖

一名圓屋山

南遊未躡羅浮顛且向端州訪圓屋圓屋山形儼七
星北斗胡爲卓南隩出郭已覩真氣蟠中天不散靈
光轟點點青螺湧大潮枝枝玉筍抽平陸前溪絕類
桃花源百怪千奇映回湫呼舟却坐雲巒間峽口微
風爽春服蠟屐逡巡度石梁角巾欹側沾飛瀑須臾

洞門煙霧生簫鼓隆隆振巖谷乍入猶疑涉海宮深
探漸恐搖坤軸箭括斜通日月光泓潭自可蛟龍浴
斷崖垂絕一髮引陰磴欲飛萬壽躑危峯倒削直指
地五色華蓋從空覆懸脂盡結金蟾蜍滴乳常供白
蝙蝠葯室璇房忽窅冥罔象妖魑暗馳逐故人掃石
移初筵新醅拍蒲鴟夷腹觴至重和紫翠吞醉來但
枕潺湲宿康樂好遊沈侯隱一日適意千秋足

蓮塘行

蓮塘城中老婦哭百家無煙道但茅屋五月炎風吹血
腥烏鳶翩翩啄白骨蕭條驛路五馬回老婦遮道哭
轉哀南山北山盡蠱賊目枯不覩官兵來前夜海雨
地忽鳴一呼萬戟摧孤城兒女倉皇夢中竄肉飛如
雪魂相驚老婦病息僵未起長繩面縛鞭指齒明朝
滿市無人聲家家化作潢池水妾命虛從虎口脫死
者不見生何泊但願官兵滅此曹延頸須臾赴溝壑
喜羅將軍至

六月暑氣上蒸天營門鉦鼓何銜銜朝來望海海欲
立天兵萬里飛樓船將軍昔佐元戎府烏石山前坐
講武慷慨凌潮叱颶風烏寇東還無隻櫓捷書三入
承明殿雄聲不獨元戎薦驃騎分持赤白囊斗牛橫

倚雌雄劍有客曾從樽俎間知君氣欲吞百蠻三十
六峯吐雲霧攬槍未掃顛毛斑竭來天子重推轂
嶺外軍書萬旗肅首鎧腰弓臂大刀長驅誓飽鯨鯢
肉絕域重逢事已奇況乃一室同安危黃石不朽白
猿臥壯哉斗酒君莫辭

里麻行有序

倭夷數千直搗高城城中人無不欲爲鳥獸
散蓋前所未有之警也予旣不敢以城爲注
遂躍馬引兵背城二十里拒之適陳將軍擁
士從間道來會於里麻一鼓破滅此不有天
幸乎時隆慶五年十一月十七日詩以紀事
且告吾父老安不忘危云

日出之國東南夷裸身被毳雕其題白雉不貢火珠
匿聖朝干羽曾羈縻飛艘萬里狎潮汐鼓刀八郡
都瘡痍高涼山郡大如斗比屋常嬰豺虎口年來一
旅控三關捲甲橫戈僅相守妖氛昨夜擾攬槍驚我
旄倪半奔走吁嗟此孽從何來長鯨巨鱷排風雷九
首天吳豈助逆六鼇無力三山摧若道孤城如累卵
高涼太守安在哉輕裘緩帶五花馬親提義卒屯中
野千人殊死奮登陴將軍却是從天下前驅慄疾如

詹曹洲夢 卷之八 十五
縱鷹羣鳥紛紛毛血灑僕姑射火光照天陰風十里
吹腥膻羣奴面縛成魚貫首首分馳太白懸哭聲未
已歡聲震營門奏鼓何填填椎牛饗士解戎衣一騎
浮雲露布飛黃石未授書生略赤心遠藉 天皇威
萬姓存亡決呼吸那可一日忘危機

賦得戰城南贈陳將軍

鼓振振風翹翹高涼城南殺氣騎太守行營向滄海
將軍擁燾干青霄援兵不向秦庭乞死士先從越巂
招白羽初開魚麗陳全軍赴敵如爭梟裸夷豕突鋒
正銳重圍已合前山腰登壇目中無片甲大呼一戰
收羣妖前旌競獻番王首餘醜雜沓成穿鷗千家拭
淚聽鳴凱三山瞬息陰氛消將軍鐵面萬人敵臨戎
叱咤迴長颺迴長颺激洪潮金虎爲符插紫貂呼醪
滿引碑磔椀爲君重樹雙銅標

滇江舟中對崑崙石獨酌

白龍飛自西極來化作滇陽一片石孤根插水地軸
驚斗削蒼厓五千尺黑浪奔騰赤日低挽舟上瀨如
攀梯舟中客子好奇事抗身欲與峯雲齊持觴滿泛
英州酒片片峯雲落吾手吾將跨汝還崑崙莫逐神
鞭更東走

舟過道士泐

當江片石危無根將飛欲墮忽已蹲下瞰幽宮幾千
尺洄流奮激東西奔豈有冥鵬浴沸鼎誰搗天鼓殷
雷門江煙不散白日匿長年三老俱銷魂指點吳魏
爭雄處萬軍一日蛟龍吞至今西塞山頭色猶是當
年戰血痕道士何來住松頂青霞爲室雲爲村四顧
風濤滿天地百年興廢如朝昏

陸廣道中

龍場西去羅鬼巢亂山無名倚天高
聖朝鑿險通九驛欲令徼外無腥臊石逕崔嵬莽布獸蹄鳥跡
看如故經過百里無人煙但見千巖萬巖吐黃霧單
車摧折奈遠何攀梯躡磴迴盤渦氣候毒淫風景惡
陸廣山前陸廣河瘴波洶洶排山出兩岸猿聲哀落
日驛署孤懸虎豹宮人家半徙蛟龍窟虎豹蛟龍謾
陸梁摩挲寶劍騰精光不須結履從章亥赤足猶堪
步八荒

飯水西驛

相逢水西境大半鬼爲人鳥言難可解卉服日以親
雜繒裹頭銳如嶽鐵距杈枒猛相剝掉頭不應舍長
呼望見前旌亂吹角道傍側目窺繡斧將前復卻舌

盡吐驛亭蹠進燕麥羹飽食且忘行役苦

次奢香驛因詠其事

我聞水西奢香氏奉詔曾謁
高皇宮承恩一諾九
驛通鑿山刊木穿蒙茸至今承平二百載牂牁道
猶同風西溪東流石齒齒嗚咽猶哀奢香死中州男
兒忍巾幗何物老嫗亦青史君不見蜀道之關五丁
神犍爲萬卒迷無津帳中坐叱山川走誰道奢香一
婦人

飯金雞驛

金雞山頭金雞驛空庭芳草平如席瘴雨蠻雲天杳
杳莫怪金雞不知曉問君遠遊將底爲脫粟之飯甘
如飴

閣鴉行

我行深入蠻王壘蠻兵被毳行且呼指點羅夷諸種
落延袤千里依皇圖歷歷重柵臨斷浦澗壘木樵密
如堵刀耕餘力射獵還磔雞賽鬼搗鞞鼓蜀賈無時
市枸醬漢使不復問邛杖櫪下驕嘶笳馬肥圍中醉
擁夔姬唱閣鴉回首複嶺橫連雲不斷如長城此中
藏甲不知處云是
先朝靄翠營靄翠曾懸列侯印
翊我
高皇威獨震逢傳一檄定西南世世稱藩無

血刃豈其苗裔食故疆金紫蟬聯澤未央莫以彈丸
誇險阻脩文 天子今堂堂

醉歌酬沈兵憲

沈侯紫髯白頰臂掛蒼龍精酌我大斗攜我五文之
冠纓長鯨舒吻江漢涸巨鼇轉睫眠我傾我醉且歌
君莫驚朝上燕臺暮塞壘帳頭嘈嘈羅施鬼燕臺駿
馬密如雲未必千金市十里天生沈侯豈徒爾

贈沈從善與其弟總戎

君不見諸葛兄弟天下才蜀龍吳虎何壯哉三分未
酬混一志二表徒激英雄哀君不見沈侯兄弟文且
武挾策同心報 明主一經竝號萬人敵學劍學書
安足數仲氏提兵鎮鬼方青驄繡斧飛寒霜季子仗
鉞臨西羌帳頭金印耀日光將門子孫輕衛霍萬里
橫行絕沙漠若使胡越猶二家漢京枉築麒麟閣

宿谷里

石門風高千樹愁白霧猛觸羣峯流有客驅馳暮未
休山寒五月仍披裘飢烏拉脊搶驛樓迎人山鬼聲
啾啾殘月炯炯明吳鉤竹牀無眠起自謳

題謝時臣野鹿圖

我聞瑤光散爲鹿怪底羣鹿爭瑤光不信良工縱盤

磨如何真宰為低昂颯爽松雲走四壁玲瓏石瀨穿
中堂山深杳絕車馬跡雨過疑聞薜荔香羣鹿何年
此成聚芝苓為糗泉為漿文身半奪九霞豔解角能
延千歲強越國四駕非所貴齊侯萬錢豈足良長風
啣啣命儔侶側耳忽欲諧宮商雖無寵借上林禁不
驚倚角恣行藏奇哉東吳謝徵士石墨應手如飛揚
丘壑從來貯胸臆老夫野性聊相當

四月二十八日夜紀異

明星正在天霹靂何處起冠雀不及鳴玄駒不知徙
片時猛雨如連輪平陸揚波捲高壘屋上豈有山嶽

崩市中誰鞭蛟龍駛病夫無力補天漏事急安得薦
灰止倉卒披衣夜已分千家叫號那可聞三版垂浸
四壁陷恨無羽翼騰高雲上帝怒叱河伯使神堯亦
苦洞庭君至今復作西徼厄萬卒幾與魚鼈羣前日
蠻府白異狀四月山頭雲如益夏行冬今奈爾何驕
陽轉助盤江瘴草木枯盡城郭災月令曰孟夏行冬
令則草木旱枯乃
大水敗其城滄海桑田一相盪朝來滔天之勢忽已
空杞人私憂幸無恙

華容贈孫兆孺山人

華容片地橫三湘鼎甲銅鞮耀帝鄉五十年來稍銷

歇精靈却屬孫家郎孫郎故是衣冠族古貌巉巖火
珠目壯年恥作逢衣徒自集芙蓉爲野服服成被向
五嶽遊五嶽煙霞一笥收自言大雅無今古醉殺不
聽東家謳虎視乾坤幾知己一日扁舟去千里得意
王徐二大夫但恨未交吳季子季子西從異域回孫
郎佇望章華臺握手先投鸚鵡賦張燈且泛葡萄杯
杯中吸盡洞庭雲五嶽何如此夜分明月愁人霜草
白悲歌莫遣湘君聞

阻風城陵

向延煙光何淼淼客子輕舟坐天表便好乘流下武
昌飛帆恨不疾如鳥那知五日石尤風繫纜只在城
陵東雪浪倒吹巫峽白霜楓遠浸巴丘紅怪殺檣上
木斑鷓鳴鳴喚我心旌搖衝寒塞鴈不成侶薄暮江
豚猶自驕楚地悲秋還楚客江望盈盈愁脉脉湘浦
雲分二女鬟渚宮月弔三閭魄岳陽城樓跨天塹十
二青螺吞瀲灩塚伏枯蛇化作山池翻巨鱗呼爲劍
古來雲夢跡多奇經過勿爲江神嗤有酒且邀君山
醉岸頭踏歌知是誰

君山行贈洪原魯

五瀦水落三江灣玉鏡中分十二鬟雪浪迎門捲空

翠君山合是君家山多君愛客展芳宴山水圖書兩
相眷瓊巵泛酒波璘璘金縷促歌雲片片歌罷君山
月已低掛帆欲往江煙迷湘君鳴環下白露龍女吹
笛乘青霓吹笛鳴環杳何適孤舟去天不盈尺與君
少別老難逢那可君山少今夕

方山人仲美見訪酒間賦贈

山人一出紫陽山弱水崑崙眉睫間足躡浮雲不可
駐佩邀明月持爲環短肖侏儒癯肖鶴胸中頗欲藏
寥廓少年恥自干公侯抗迹那能老丘壑操舟千里
謁吳郎累牘新詩石墨香金盡不知身是客興來只
與醉爲鄉平原布衣苦好名碣石上客虛相驚山人
持杯但長嘯儵然四坐清風生

題同伯所藏癯仙山水圖

披衣偶過王孫館王孫珍重出此圖只怪煙霧生几
席西日不落天模糊云是先王好手筆未數鄭虔與
江都拂拭已覺神鬼哭須臾蒲屋風雷驅素練如霜
任意掃片片江山自天造飛鴻浴鶴皆可呼殘花古
木令人老舟楫何來彭蠡濱琴樽忽置崑崙島王孫
尚哀手澤存衆人豈識心匠巧吳生冷然發高興起
問滄洲漫浩浩嗟乎吳生山水人藜杖芒鞋白葛巾

誰當為指桃花津與爾一笑離風塵

齊中木槿盛開感而有賦

去年插槿不盈尺今歲作花覆
墻出叢條密葉含蒼煙澹白輕黃耀初日一樹深紅隔絳紗驚人彷彿開山茶木蘭石竹抱幽意避爾不敢揚芳葩誰道花奴強自持朝榮夕落莊生悲且將杯酒弔蘭竹世上繁華曾幾時

答梁公智苦雨見懷

霾風瘴雨天無輝海神怒叱千山飛城上懸流決三版城中浪挾蛟龍威須臾蛟龍坐失勢行雲却為雙虹制扶桑樹頭赤日升黃污競赴東流逝乾坤變幻一東流君胡不解天墜憂明日登牀執君手連翩起踏鼇背遊

聞野哭作

日長臥起天昏昏田家野哭銷人魂春深五種猶未分呼租之吏已在門亦知官法凜湯鑊何哉反裘行負薪逃死無門生失計坐看百里成荆榛

觀龍洞藻卷之八終

甌甌洞藻卷之九

武昌吳國倫著

始安張鳴鳳校
新安方尚贊

七言古六十四首

贈王予卿

王郎自抱荆山璧精英欲奪三辰魄總解逢人忌閤
投道傍觀者爭辟易失價翻輕十五城韜光且遜梧
臺石我知此物非常有徑尺熒熒璞初剖一握雲霞
積裏生三日摩挲未去手祇今清廟四目明肯使王
郎不台斗

再贈予卿

魏地山河洵美哉使者輕裘按轡來手挈大行障天
府金湯千里行營開二曜分爲赤白羽層雲擁作烽
煙臺一呼三郡良家子控弦操戟成風雷邇時承平
厭兵革枹鼓不鳴家帖席臥內潛探黃石符軍中盡
秘皐囊箠戲馬時過講武城折節還收說劍客可知
無事蓄天威虎豹深山龍大澤

答沁水丞孫世延

長安市中一攜手意氣相矜殊不偶別去蹉跎二十
年風吹綠鬢成華顛尺書忽自長平至欲挽黃河瀉
心事束帶逡巡長吏傍誰知少府能文章醉後安眠
太行趾醒來但飲梅谷水平臺西望山崖峩故人且
奈孫郎何

潁川值雪有作

蒼雲奄忽低穹昊羣雀喧棲何太早朔氣凝寒猛刺
骨集霰飛靈漫漫浩浩颯杳旋隨風伯驕鮮勻盡奪天
孫巧珠花著樹成海宮石乳浮山作蓬島二儀欲合
七聖迷何人復識許昌道許昌城裏駐征輪十月舞
絮爭陽春百堞光搖素鶴羽千蕙影轉玉龍鱗齊紈
魯縞失顏色帝臺天室增嶙峋授簡誰招梁苑客倚
空虛賦洛川神紫貂未敝且市酒從他兩鬢都如銀

八日又雪與李生廖生縱飲醉歌

河上春風怯駘蕩四塞寒雲恣決莽夜來積雪半封
條今日飛霰大如掌沙海須臾玉屑平平臺只尺瑤
華長狂夫喜雪頗成癖力疾婆娑披鶴氅呼兒問酒
夷門來坐雪滿浮鸚鵡杯乾坤漫漫雙眼白雪花銀
鬢懸相猜二客雖豪不勝飲匡牀倒臥鼾如雷梁園
此景亦奇絕鄒陽司馬難爲才

次廩延得周方伯書謂新釀且熟待予發輒
賦短歌報之

梁園三月空鶯花一水相望天之涯爲報牀頭釀新
熟恨不飛渡眠君家榨聲瑟瑟縮疑在耳黍氣氤氳觸
吾齒興發掀髯挈酒經渴芻流涎殊不止膾魚絲筍
佐飛觴便好三萬六千場舉世皆醒吾欲醉眼中誰
似楚人狂

重過蘇門卽事

太行出雲雲盡黑一雨須臾山更色偶自西河遡衛
源塞帷已入周鄘國鄘國周遭一彈丸雲林窅窅山
蹊仄村疇迴薄小江南井邑蕭疎大河北共伯逍遙
失歲年孫登坐嘯凌蒼煙仙人不作名山主終古蘇
門抱百泉百泉礪底珠花旋燭地涵空一鏡懸有客

臨流不敢照昔遊綠鬢今華顛

自濟源入狐嶺道中卽事

太行一匝軹城西西去山深雲氣迷
四顧紛紛太行遶前峯刺天天爲低
無時大壑蛟龍奮夾路叢林虎豹啼
二濟涓涓發靈竅尋源負異桃花谿
遠村近落迴盤谷百里煙霞鎖王屋
野服難勝六月寒肩輿已濺千崖瀑
石門風雨排山來萬木爭鳴山鬼哭
望望仙壇阻勝遊呼醪且就出家宿

過陽臺宮

卽煙蘿子棲真處

萬山絕頂天壇麓古觀峩峩華蓋覆
有客尋真千里來真人已去空陽臺
白雲狼藉棟宇欹苔蘚半蝕開元碑
開元至今九百年人世非故山依然
操觚且汲洗參井鑽火旋開煮石鼎
黃冠道士休相驚煙蘿之子原無名

王屋歌

何處洞天三十六小有仙人住王屋
王屋底柱遙相望真氣高蟠太行腹
上凌二曜開天壇下湧雙泉䟽地軸
滴乳繽紛薤葉垂飛巒合沓蓮花轟
壁老軒皇未采芝巖餘夏后曾刊木
虛空匠出金銀臺輻輳規成子午谷
五色靈光夜夜朝道人爭訝龍銜燭
攀躋

直造虛皇宮千山萬山都拱伏拂鼎重然西國香調
琴自奏神弦曲虛皇授我太乙丹使我顏童髮再綠
須臾笙笛響空中起馭赤螭驂白鹿俯觀四海一蹄
涔安見九州非粒粟卷石崑崙點大荒黃河東走不
盈掬向來虛誦五千言誰道無言是真籙河上老子
浮丘生八極歸來王屋宿

泣玉行和灌甫作

卞和之璞天下寶從尺靈光徹窮昊盡道五城當一
觀雙足胡然不自保雙足可斷璞尚完白虹黯黯垂
頭看陵陽山下千行血沾灑秋雲片片寒樂正荆庭
號玉工可知三獻總難同但使赤心終見剖辭侯歸
去勿言窮

毘山讀書臺歌

中丞買山冠江表絕壁重簷飛縹緲俯瞰菰城斗不
如千巖萬壑趨環繞二塔靈光徹夜明雙谿練色從
空裊卓筆遙爭五嶽雄振衣轉覺三吳小白蘋洲上
石蓮分故蹟猶傳柳使君臨眺不殊今日事風流應
竝古人聞人言古今一旦夕何物可易山中雲詩成
但醉烏程酒興至仍探禹穴文柏府絳驪人所羨河
渠書奏明光殿宣防不獨帝心勞賜告亦知臣力

倦毘山高枕曾未安蒲輪又起盈廷薦霖雨煙霞自
一時赤松黃石終相戀

送徐行父少叅赴關內

咸陽天下險洛邑天下中潼關睥睨周西東君自三
川歷三輔分陝經營王命同登車慷慨千人雄矯
若八翼凌蒼穹左馮翊右扶風漢闕秦畿指顧通爲
將匣裏雙龍劍擲作天邊二華峯

光山別劉元善作

君不見薛公食客三千人一朝失勢誰爲親又不見
翟公賓從何焯灼須臾門前可羅雀我今解組還江

臯北風吹雪沾綈袍故人惟有劉元善扼腕傷心涕
被面佯狂走送木陵關十日踟躕未忍還曹丘意氣
任安節不及劉生方寸烈伯勞鴻鴈忽東西中原白
日慘無輝黃龍洲邊繫釣舫期君直泛星河上

庭中山茶三月盛開感而有賦

山茶故挺霜雪姿三月爛熳非其時却是花神遠留
意客子還家春事遲庭中兩樹扶疎發陰雨晴曛總
護持向來手植頗珍重十年始復諧襟期葉布犀稜
綠尚淺花蒙鶴頂丹尤奇寶珠竝訝蠻王獻宮粉旋
驚孺子窺桃李同榮不解妬歲寒松柏翻相疑天時

物態每如此頭白風塵安所之且向花間飲美酒東
風莫作王孫悲此代武資實其並時變王端宮傑武
酬武昌熊伯子見寄平故身前蘇隄葉中軍蘇
漢陰丈人亦我師五柳先生歸未遲一壑幽棲白雲
裏適意還從造物私美人相望江之湄紉蘭集杜逢
相遺心知此物等雜佩世人恐作蕭艾資含情欲擬
三閭賦抗志遙凌七命詞長鋏倚歌動激烈明珠入
手光陸離金張舊業苦難恃孔李通家稱最奇君上
西山覽西塞古今興廢如推移且飲醇醪枕石臥百
年誰見河清時

洪水歎

玄雲觸石氣鬱蒸兼旬猛雨何奔騰羲輪失馭萬形
匿須臾積潦成襄陵長溜泔泔昏復曉翹首扶桑隔
天表太平山下毒龍行百里民居半爲沼合窳獸名見則
大爲災七澤愁陽侯一怒千屍浮喬木摧爲萍葦泛
高原只縱鼃鼉遊雉城三版纔如臼蛙竈沈淪絕糧
糗倉皇欲訴洞庭君震蕩偏逢西海婦據牀無時起
歎息四野哭聲哀孔棘乘桴未穩浮海身煉石難輸
補天力嘉禾處處變菰蒲傷心更急官家租魚腹虎
牙同一死天門萬里誰爲呼

山中吟

去年行部大梁墟
雪風刺骨泥沒車
今年歸臥南山廬
長日無營但著書
人生適意無顯晦
却怪靈均困小居
喪馬之翁寧碌碌
夢蝶之子何遽遽
灌園且抱漢陰甕
把竿時釣武昌魚
自放楚歌還楚舞
獨醒獨醉從所如
世上悠悠朝復暮
曾知造物有盈虛

溪上醉歌答羽王

百晦之蕙九畹蘭
遶屋千樹青琅玕
人間塵瑤滌欲盡
世外交遊遇轉難
我友真從天上謫
握手無言兩驚絕
一樽戀舊愁且寬
十載投荒宦非拙
山中二月春事幽
肩輿露冕遙相求
竹下溪頭坐何厭
雲歸日入吟未休
蘭亭風景亦如此
有酒對君胡不爾
天鑿西隴萬古泉
今朝始作流觴水

同仁甫羽王賞牡丹

洛陽牡丹天下花
移栽不厭開山家
瓊瑤爲肌雪爲魄
重英片片凌飛霞
麗景初憑葉天嬌
酣風却借枝欹斜
神女夢中雲欲斂
天孫機上錦無華
數朶盈盈圓徑尺
豔質穠香苦相迫
煙梢淺著丹州紅
露蕊輕含湘子碧
化工豈助花木妖
勝賞翻愁歲年擲
花前一醉抵千春
安用人間明月璧

詹垂... 閱雨作... 人聞民... 望

老夫兀坐明農堂農人告我春務荒一雨五旬天黯
慘二麥半實波漂揚連宵霹靂不肯住明日滂沱猶
未央襍種已朽枯棹廢戴勝不至鳴鳩藏南畝空嗟
稻苗死東園蒲日蒿萊長相將魚鼈戲城市豈獨苔
蘚蒙衣裳千家野哭帝閣遠卒歲經營委望洋安得
揮戈蕩陰稜普天重睹三辰光

四兄六十初度歌有引

八月上弦氣清天朗仲氏初筵羣我少長籩
豆既儷笙竽迭響四座盡歡百靈貽蕩為主

人壽降福穰穰季子且醉鞞然鼓掌且鼓且

歌曰

人言君子有三樂竊恐人間樂未真天下英才各自
好椎牛孰與雞逮親況我行年五十五庭荆半謝為
塵土含情羈宦三十秋歸來但與仲為伍五年以長
髮初華童面似業彭聃家進食同甘諸葛菜侑觴時
雪邵平瓜敢言事兄如事父差強斗粟與尺布雲中
二鴈忽成行原上雙鴿驚自顧陸家白壁許家龍猶
是浮名勝友恭安似埴篔簹一氣和風天籟遙相從
朝來置酒湖上閣賓客如雲恣謹謔仙槎靈桃燦畫

圖瓊飴玉髓芬杯爵絳人虛解數甲子王母何曾授
元始適意如登太上宮安眠卽是崑崙址季子新栽
薜荔衣爲君起舞青霞飛摩挲銅狄勿言老大椿却
藉風霜肥

洞庭漁人孫仲可輓歌

洞庭湖水平亘天巨濤千里迴蒼煙釣竿漁罟如星
密何處曾泊孫郎船見道孫郎負奇節公車自罷甘
巖穴有時戴笠坐菰蒲手引長鯨絲不絕棘澤寧無
尚父才桐江好待狂奴回林間索酒波間醉世上營
營有何意魚腹難銷泪水魂鵬飛竟作長沙崇綈囊
有書兒解讀莫向西州悼華屋采采江籬賦大招修
靈千古同濠濮

爲楊伯海題其先世十賞閣卷

自古興亡一朝暮金陵六代無新故秦淮水遶四望
山山前古閣摧爲墓見道楊侯此閣中匣琴案史流
清風傳家未斬垂危澤開國猶餘不賞功都督就死
甘如飴兒孫竄伏那可知丹書鐵券總銷滅此卷尚
留神護持掩耳莫話先朝事破家能寶故侯字白門
慘澹江聲迴不盡楊郎千古淚

羽王爲我題蒲萄卷走筆謝之

蒲萄象象尺練寒澹煙濃露生毫端墨香疑滴馬乳
汁珠顆欲墮千塗盤漢玉晶盤千塗國所貢張郎嗜佛亦嗜酒

開卷詩成何應手但與溫師飽清供不須持換涼州
守

謝羽王送猫

怪哉黠鼠巢吾廬嚙吾衣履殘吾書幸君乞與狸奴
子鏡目斑文虎不如竦身一發捷飛電須臾喋血陳
屍見安得壯夫如此狸鼠視羣醜無虛戰

送吳叔嘉遊廬山

吳生莫是延陵裔性好遨遊衣薜荔挾策恥自干諸
侯操觚頗欲輕一世藝苑知名走貴公片言得意千
人雄結交晚遇張京兆盡棄新聲學古風我也滄浪
老漁父那能為汝開靈府觴酒醉之嘉樹園三歎郢
歌時起舞忽然興發且東去咫尺江天風可御振衣
直上廬山顛為叩匡君學仙處七嶺西浮三石梁我
昔遍踏雲蒼蒼徵君之宅在其下至今松菊何曾荒

園中觀家僮累石成山鬯然有作

為園不須梓澤津采石何用穀城文湖上輪囷古沙
磧驅來一一含煙雲乍離水府螭尚繞突入山第犀
成羣似隨東海神人策不藉西川力士斤池上林亭

雨初霽奇形怪狀森如綴一簣崇朝委竹間諸峯幾
日排天際丹梯不洗舊莓苔翠壁高懸新薜荔禽鳥
歸飛忽自驚短墻藁樾相虧蔽山檻小鑿巖扃開蓬
蒿一徑時低徊雜沓疑填精衛海清虛恍坐金銀臺
間居自擅一丘壑世間何處無塵埃巢父園公故吾
侶小山五嶽同崔嵬

短歌答曹伯舉時伯舉言別赴京

大夫懸車臥三徑四方詞客走相問偃蹇曹生最後
來圖南萬里心殊奮竹杖藤衫白葛巾雲霞海嶽藏
精神自言羣態低眉過那得孤懷抱慙仲稱詩垂白
敢言老挾刺逢人少傾倒一聽滄浪漁父吟隔水招
尋恨不蚤嘉樹園中碧石寒甌甌洞口森琅玕留君
小作辟暑飲瀹蔬燒筍恣餘歡酒酣曳履去何適大
火薰蒸關塞赤遠遊未卜昏嫁期末路寧辭斗筲役
長安道逢遊俠兒醉殺勿言君解詩鳴玉珥貂世所
豔不須一字能干時

過通真觀訪胡茂承途中雷雨大作卽事成詩

中車出郭臨長橋大雨忽至風雷驕夾水蛟螭奔相
鬪怒濤爭撼前山腰前山樹隱玄都觀只尺不辨滄
浪岸僕夫辟易喧未休急潦橫奔路中斷赤足踉蹌

走觀門似從蛟室登崑崙故人披衣起迎客相顧但
笑呼開樽一樽未開雨乍歇玄關貌出金銀闕萬壑
飛泉注海宮恰好與君同濯髮

舟送張羽王出富口酒間羽王有作歌此答之
八月長風鼓怒濤老夫送客浮輕舸征帆欲發且復
止執手江干呼濁醪鴻鴈悲鳴楊樹浦黃龍捲雪如
山高此時感別魂易斷萬里西歸一敝袍仕宦從來
少遇合詞臣強半棲蓬蒿不如且宛君卿舌對客莫
染江淹毫九疑山陰八桂嶺白雲玄鶴從君逃君不
見彌衡大難起撾鼓江夏何曾識鸚鵡漢中雞肋破

羣疑坐殺小兒楊德祖誰道文人不忌才阿瞞之毒
淫於虎全身却許漢狂奴濯足聊隨楚漁父豈厭林
間酒伴稀吳姬鳴箏越姬舞

官橋送別楊仁父使君

五龍關前五馬嘶官橋楊柳風淒淒扶攜老幼空城
出無力扳君馬首西遮道哭聲震林麓五年遺愛千
秋渥郭伋曾來未失期何武且去何時復亦解襄陽
是壯遊輕裘緩帶殊風流傷心此地肩初息那可一
日無君侯酒盡斜陽黯自悲何言後夜長相思我登
龍山望西峴千里雙懸墮淚碑

爲龍君揚書友蘇堂卷

河南太守人中龍薦書歷歷排九重不成駿骨收燕
市只似蛾眉入漢宮一語驅之走山郡折腰倒版爲
誰容雪堂新刈前朝草赤壁重流學士風興至一樽
且酣臥古來三足虛爭雄請看萬里江無際片片白
雲行大空

從楊少府別業望鳳棲巖

鳳兮鳳兮胡不棲虛巖今古高雲齊陰洞時時吐煙
霧排山觸石奔前溪須臾風靜天日朗碧蘿蒼樹扶
丹梯我昔登巖復穿洞至今幻境心目迷九苞想像
千仞外俯視人間萬境低恨不移家領奇勝與子
崖日醉題

寄題宗良王孫摩尼菴

聞君選地平如掌結宇安禪息塵鞅浦口珠光徹夜
明林間寶樹如雲長豫章城中十萬家一室偏棲九
色霞碧筍丹筒都戒典天龍人鬼俱恒沙滕王歌舞
久銷歇萬古西山臨水月寂寂能空水月情不愁濟
海無真筏

過五郎磯

黃龍洲前雪浪飛浪花疊作五郎磯小艇縱橫截洄

詹番洞藁 卷之九
一四
狀張網捕魚一何速造次經過不知險坐愛山衣綠
如染間情沙鳥俱悠悠萬古如斯江漢流

飛雲洞歌

不信回山天下奇彩雲出沒江之湄江上停舟跨雲
走飛巒曲磴相撐支須臾雪色破煙霧幻出芙蓉光
陸離一竅由來渾沌鑿懸脂滴乳紛纍纍白玉爲樓
鼇脊負寒泉作雨山心垂中有澄潭杳莫測下臨丹
府幽難窺高松尚息千年鶴絕壁常榮九色芝靈宮
卻在祇林麓紫籜蒼藤歛蔽虧俯身殊欲墮空界抗
足還如踏武夷天花密墜霞精結石髓濃分露掌持
入關已隔人間世到境翻疑太古時二客如狂但呼
酒徘徊落日峯陰移我聞洞天三十六汗漫仙蹤何
所之可知真宰愛靈閔千秋更許還丹期莫怪漫郎
遊未遍只應我輩歸遲遲由關望氣虛相借玉笥藏
書此亦宜西塞山頭月漸吐長江萬里天風吹

奉酬司馬陳公寄題北園之作

臨流結宇新成村謝客抱書常閉門旋引山泉灌薇
蕨小移沙磧支崑崙無能頗類愚公谷自給聊同仲
子園雙鶴朝來作意舞甌甌洞口霞如組誰傳尺素
下蘭臺爲報瑤華發樞府一日文光艷芰荷百年交

義駢今古開魚鳥紛相驚
曼縱歌流金石聲與比
乘舟訪安道賦似臨湘
弔屈平老夫何幸長高
價毀壁猶連十五城

贈劉子

劉生任俠世無偶
裹足東西南北走
曾灑丹青動五
侯更操黃白求
三友符法縱橫
役鬼神劍光明
滅干星斗好道
疑逢白兔公傳
經忽悟青牛叟
飄然訪我滄浪
濱大藥無囊書
在肘海嶽精華
方寸間叩之如
擊秦人缶病夫
無力馳紫庭花
前與飲長生酒
酣至甌甌洞裏
眠夢回天地吾
何有

詠石浮龍

聞道龍行不見石
胡然化作沙中磧
卻驚海上浮山
來縹緲虛無薄
潮汐暮雲平擁
十二樓春水從
深幾千尺百道
波痕約錦纏四
時鮮色紫金碧
八十一鱗森蜿
蜿霞色映天天
爲赤豈緣無力
可飛騰遠託江
湖爲泛宅神物
由來自真蟠泥
乘霧都遺迹請
看澤畔捕魚人
解笑當年顛顛
客

夜泊瓜口江上步月

孤舟旅泊新愁結
乘興遠遊非怨別
渡口棲鳥何沈
寥帆前漁火半
明滅幾家茅屋
不成村一片煙
沙渾

是雪起步江干攬月華放歌只恐樽醪竭

舟泊漢口司馬陳公載酒渡江爲長夜之飲賦

謝

蒲衣竹笠滄浪叟玩弄煙波忘白首短棹乘春沂大江東風送之過漢口漢水西來高接天洪濤猛蹴羣山走落日全昏鵠渚磯停舟且繫晴川柳隔江簫鼓何殷殷樓船如屋旌如雲戈艦儼開魚麗陣旄鎧疑勒水犀軍中流小隊傳呼急夾岸材官次第分爲道總我能載酒招尋野客來江濱大別山頭月未午江光千里明於組錦纜牙檣動列星金樽綺席臨芳浦禮數先從入坐寬中懷竝借銜杯吐登歌不采大堤謳擊劍何煩長袖舞憶自君侯鎮荆服簪貂插羽無亡鏃坐使蠻夷款自輸祗今江漢平如陸百年此夕會偏奇絳燭屢更歡未足君不見郎官湖上鷗不驚處士洲前草增綠

登大別山歌

大別分明一老龍蜿蜒百里如行空昂頭奮甲吐煙霧天帝叱蟠雲夢東懸水中分萬流合滔滔江漢趨朝宗我登其顛縱遐覽荆楚津門此最雄斗大雙城夾匹練千山列戟森雲中蕩芻野色浩無際何處蘭

臺賦楚風柏上凝霜化碣石波間落葉漂蒙衝昔人
割據侈偏霸陳師水陸旋相攻旦暮興亡總一夢茲
山亘古開提封山前古廟蔭古木十尺豐碑頌禹功
禹功不磨世屢易探奇莫厭披蒙茸落日振衣發長
嘯冥冥天外過飛鴻

江上有聞與行甫醉歌

君不見霍光秉政二十年子弟親朋羅御前一日鴟
鳴鼠畫地千家銷歇無人煙又不見竇憲勒石登燕
然入朝封拜何翩翩朝賜食邑暮賜死腹心牙爪墜
深淵古來寵利難久恃況乃專恣竊帝權菽麥未分

駢鼎甲吮癰舐痔稱豪賢跳笑羣兒自相貴蠅營蟻
附克都屢直臣竄死詞臣放自謂機衡可世傳豈知
四海已重足戾氣鬱鬱干皇天瞬息風雷不可測坐
見川陵有變遷遠同霍竇無旋踵近視分宜亦比肩
失勢紛紛抱頭泣冰山日出平爲田塞馬得失故相
倚楚弓存亡誰見憐電光石火須臾盡九錫何如一
醉眠

侯憲使邀同仲美遊峴山因過習家池酒間漫

賦

襄陽重鎮馮三峴峴首昂藏臨漢沔古水東流直至

今空山卻藉伊誰顯不見當年墮淚碑惟餘一勺高
陽池池泉欲涸釣臺圯蕭蕭草樹都含悲使君好客
復好古每當勝處移樽俎野興何如習侍中高風不
減羊開府萬里江風吹月來山南山北浮雲開世上
浮雲總千態不敵登高一舉杯

登萬山歌

憶昔杜氏誇南征銘功自勒雙碑成萬山上下兩不
朽一日坐樹千秋名客子登山弔遺迹川陵未改朝
市更上碑已沒狐兔穴下碑徒使魚龍驚漢水悠悠
逝不反功名未必流芳遠枯松老檜拳風霜前代英
雄已難輓屈宋當年無片石至今生氣瀟湘滿酒酣
二客歌正狂襄陽城頭日垂晚

萬山之陽爲王粲故宅其下有解佩浦卽鄭交

甫遇湘妃處偶同二客一過因作此詩

萬山西臨漢江浦落日射波如織組乘興移樽下石
逕由來勝迹無今古漁人指點沙岸間殘磯廢井猶
堪俯舊館曾依王仲宣湘妃豈識鄭交甫昔人已往
今人遊誰能楚歌誰楚舞送盡江雲返大堤醉看明
月峯前吐

登天柱峯歌

玄帝之神天下聞玄嶽之山天下尊灝靈盤礴八百
里寰中五嶽都兒孫左挾秦韓右梁楚大觀不復思
崑崙古柏陰陰夾馳道萬折千盤儼天造石欄飛遶
金銀臺丹垣曲護神仙奧泉奔絕澗鼓風雷霧匝虛
巖靈虎豹參差殿閣表青林岸嶸峯巒插太陰玉階
斜引天門杳貝闕高張紫極深矯步纔停九節杖一
峯忽起標山心峯頭造天不盈尺何年飛蛻此遺迹
我來未遇紫元君卻信真人有真宅雲霞滿袖星在
掌隱隱扶桑日初赤回看五老與三公已在山腰露
草中好將呼呼吸收元氣何用修爲助化工無上道從
無上得乾坤色相總玄空

爲蔣大夏題育堂冊有序

舍山蔣杞字大夏少孤子於世父如已出已
又督誨之業儒登貢籍卽大夏不復知其世
父也因自名所居爲育堂蓋紀世父如父以
示來裔耳挾冊遠來索題爲贈此詩

蔣生懷抱何忡忡炎天叩我深山中千里寧緣問奇
至雙淚非關泣路窮爲言家世無華屋舍山山前半
畝宮自名育堂僅容膝行年老大思桑蓬絕乳幾希
錄殤鬼托孤艱難藉長公鄧攸棄子子何罪李密陳

情情未終豈及吾家托孤事兩全大義流仁風二天
不斬宗禰澤一介旋叨貢籍通藐然何以至今日撫
我之恩生我同蚤夜登堂心寸裂班衣鼎食都成空
願君一語當華袞匹夫千載聲稱雄吁嗟蔣生不忘
本許國應能效赤忠

笠山洞歌

南山古洞樵人闢莽棘新除石梁扼無復神仙駐紫
臺刺有雲霞棲絕壁重門窅窅陰雪寒仄徑盤紆斷
厓迫結構寧資斧鑿勞玲瓏不見鑪錘迹兩峯瀑布
懸太清萬頃湖光浸空碧永日都無行路人炎天卻
到探奇客奇哉此山復此湖與客當之意俱適倒盡
金樽發浩歌輕風反棹平如席

送堪輿家楊生遠遊

老夫晝臥甌甌洞何物楊生來叩門一刺出懷已半
敝掀髯入坐雲之根自言蚤業青鳥經能墳九則役
五丁金柱銅儀掌中斡珠丘石竊潛真形相將與之
探坤軸辭我遠遊一何速洞裏無他可贈君巨靈之
手大章足

再贈劉生

遊子飄飄暮未返褐衣千里風霜短探囊不惜錢刀

空入坐但嫌杯酌緩買棹言同范蠡舟僦居便作長
房館芙蓉爛熳水亭幽煙雨蕭條山郡滿且憑歡謔
送秋愁不枉衰遲增酒伴贈爾新詩莫浪傳惟應一
藥攻吾嬾

寄贈臨淮侯李惟寅

將門舊說西平李當代元勳誰更儼鍾鼎煌煌冠五
侯貂蟬累葉人爭侈何哉有子稱象賢翩如鸞鷲橫
秋天書擁瑯戈扈清蹕夜分藜火搜遺編由來受學
金華殿紈綺瑤瑜非所羨爲愛中原六子名論文講
德懸相戀自從攜手燕山下抗志飛揚趨大雅結社
于今遍兩都眼中誰是知音者

茂承自京師來見訪留寓北園越旬日不能別
倚醉漫成長歌

長安公卿下布衣布衣名實從來稀竊藉曹丘互相
市千金然諾中依違詞人慣道明經拙食客先蒙鼓
箠譏南州高風日以遠中原雅道何其微自識新都
茂承子一言慷慨成知己詩力居然破古今交情更
許輕生死酒酣屈指陳名家那肯庫庫及餘子子雲
筆札君卿舌異代相遭亦如此我已懸車臥空谷君
來不惜濡雙足聞道行吟過永安看雲但借柯山宿

太守何如皇甫規狂生不忝趙元叔可知布衣能重
人安用逡巡蹈流俗嘉樹園中萬菊芳茅齋且作君
家堂石榻青分脩竹蔭巖扃赤射芙蓉光不愁山市
酒難繼只怪平原飲未長落日高歌躡壺嶺大湖秋
盡天蒼蒼

同諸友人登黃龍洲

浮江十里黃金沙富口周遭石岸斜夾水移舟犯鷗
鷺羣山拂浪漂雲霞初疑龍脊負海市忽似牛渚橫
星槎客子臨流感前事此中片地曾千家千家已沈
洲復見百年陵谷須臾變想像當時卷雪樓一區奇
勝三湘擅文梁畫棟委蛟宮惟有濤驅雪山戰世上
浮沈那可常席地開樽且相勸

觀黃鵠畫馬歌

曹韓畫馬冠唐史近代稍稱趙承旨六法于今久寂
寥狸骨螭頭浪相詆中都偃蹇來黃生客楚三年未
著名晏坐舍毫悟神理恥操片紙干公卿渡江千里
叩巖扉一語當樽興欲飛吳州生綃瑩如雪象形磊
落心精微濡墨已疑天雨粟澹掃權奇馬如鹿骨相
全師八駿圖天機欲奪九方目行空伏櫪本殊態歎
玉流珠那可再高價虛傳郭隗臺橫行好絕單于塞

閭闔風生匹練搖渥洼電繞龍駒驕山堂入夜雷雨
作卻愁神物俱騰驍吁嗟黃生妙心手孫陽一顧偏
難偶騶裊長鳴九坂途廣衢爭策凡駘走

富口發舟東行四十里遇大風折舵幾覆復平
與仲美醉歌

可笑齷齪洞中叟老來性癖耽遨遊西去纔停漢水
棹東行更泛吳門舟吳門故人二千里恨不風帆疾
如駛兩岸青山盡逆飛中流獵獵狂飈起狂飈鼓浪
浪蹴天帆摧舵折舟盤旋僕夫叫號長年哭只尺便
抵蛟龍淵蛟龍厲齒猛相向擬殉靈均魚腹葬照水
文犀那及燃沈江鐵鎖難爲抗沈江照水力已微誰
能坐制天吳威管寧思過只晏起何勞斬怪招要離
要離已化吳中土蠓蜒負舟見神武老夫長嘯方郎
歌生死須臾亦千古嘯歌初歇風漸柔江神爲我驅
陽侯泊舟且市漁家酒醉看月上廬山頭

浮玉洲席上贈王承父短歌時承父久病小愈
強爲予出因示所賦老檜歌奇詭宏麗心甚
壯之知其病易起也故有此贈庶幾當七發

云

別君薊北門逢君具區澤一顧諧所思三歎感今昔

南北參辰二十秋昔時少壯今垂白蓬居依舊原思
貧辱臥漸解王陽厄詩態差存酒態非摧藏似塌垂
天翮豈合衰來骨相移遂疑病後乾坤窄吳江縣令
雅好文能禮布衣爲重客展宴同登浮玉洲野樹葱
龍水光碧湖風吹倒洞庭山化作長虹幾千尺蜿蜒
飛跨三江流七十二門海宮闕天留片地與論心月
上層臺照移席我已頽唐不任杯君但安坐如面壁
須臾出示老檜篇四坐賢豪都辟易恍惚虬龍走陸
梁雷電倉皇怒濤拍一時縱筆攘天工四百餘年標
勝蹟看君神氣猶乃爾何用憂生苦煎迫飽食尊鱸
高自眠素封不忝五湖伯

吳中醉歌與羅伯符

山中別我亦何久江上逢君良不偶相看已改別時
容何當莫放逢時手聚散浮生信轉蓬風流所至難
爲耦書法年來漸有神下筆不遜顏與柳有時醉墨
灑煙雲捷若良工揮堊帚黃金遍結高陽徒白首不
納臨邛婦詞名藉藉公侯間長揖自稱布衣走橐裝
已盡四壁存猶解家珍爲我壽閭闔城頭千樹花姑
蘇臺畔百壺酒入市那聞伍子簫當筵但鼓秦人缶
酪酏將從海嶽移歌呼猛敵蛟龍吼吳中豪傑君所

知向人休說甌甌叟

閨門別吳叔嘉短歌

吳中少年多好文澹交雅致無如君綠髮遊蹤半五
嶽歸來四壁滄江瀆憶從下雉一攜手乞我片言常
在口我今東泛五湖來十日三醉君家酒酒酣欲別
君奈何閨門獨立成悲歌贈君盧敖之杖王喬舄片
雲吳楚便相過

悼陳光州貞父詩

長安市中得吾友肝膽熒熒片言剖奄忽風波羽翼
乖一官浪逐羊腸走生平俠氣當奈何自憑短劍鳴

鳴歌恥用文章博聲利強從案牘忘蹉跎蹉跎已自
非人意厭世胡然託魑魅隣笛但送山陽悲天樂虛
迎玉樓記九龍山前三尺土宿草纍纍隔今古酒熟
蘭陵好共沽哀哉不起陳貞父

爲馬明叔題沈啓南雪月杏花圖

啓南作花疑有神落筆反使花失真兩度僧房寫文
杏至今不散祇園春月中巧借曲江影雪後驚移洛
水濱枝榦橫斜不盈尺淺碧殷紅半狼藉瑤霰輕沾
玳瑁梁清輝欲奪嬋娟魄玄都桃樹斂精英東閣梅
花遜標格乳燕飛來忽自疑寒輕二月芳菲遲天孫

細錯飛霞錦玉女偏矜絕世姿留獻摩尼作清供慶
雲老衲何曾知

北園與諸客登山縱飲王行甫曾選甫倚醉相
拉入舟竝溺池中起而縱飲若故予甚壯之

爲作短歌

壺嶺之顛醉狂客縱橫不厭杯行迫曾郎起舞王郎
歌驩極那知忽相厄握手登船蕩漾池豈緣風浪觸
蛟螭俯身並赴清流臥山亭倒插乾坤移負石懷沙
自古人兩生何意甘沈淪須臾起學雙龍躍童子還
疑見水神濡衣被髮且呼酒人間變態此何有達者
從來齊死生莫教一日杯停手

雞山歌與熊處士惟登徐孝廉應時暨兒無忌

同遊作時萬曆甲申初冬日

雞山千仞層雲矗百里通川遶雞足興發扶攜造絕
顛飛梯險絕盤渦山野竹叢分華子岡懸泉溜決康
王谷峯蟠怪石摩空冥洞宿明霞迴幽獨日久猶含
隴霧黃霜高不改巖柯綠攬衣纔傍錦屏過躡磴還
驚仙掌覆高步分明出天表三楚風煙在吾目江分
九派下潯陽兩岸千山都釜伏只有廬山五老峯氤
氳紫氣遙相燭莫怪登臨老未休一日塵襟淨如浴

詹禹... 卷之九終
 日... 下...
 詹禹... 卷之九終
 日... 下...



